

Ro Ta Paulus Ibeede Pizin Rom

¹ Nio Paulus ta anbeede ro ti. Nio mbesoonjo ki Yesu Kresi. Ni itunu ta ipeikat yo, mi iboobo yo ma anwe ngonana kini. Tanata anzzoyaryaara uruunu ambainana ki Anutu.✧

² Uruunu ambainana tingi, ni imbuk sua pa, mi ipatoonjo la ki kwoono bizin, ma tibeede se ro kini potomjana ta mungu kek.✧ ³⁻⁴ Mi ina iso pa Lutuunu Yesu Kresi. Ni Merere kiti. Indeenje ta tipeebi ma isu iwe tomtom na, ni poponana ki Dabit. Mi indeenje ta burup ma imanga pa naala, ina iswe kat ta kembei: Ni Anutu Lutuunu mburaananana, mi ni potomjana kembei Anutu itunu.✧ ⁵ Mi nio na, Yesu Kresi ikampe yo mi iur yo ma anwe ngonana kini, bekena ankam zin karkari ta boozomen ta Yuda somnan i ma tiurla kini mi tito i. Naso ankam zin ma tipakur ni zaana.✧ ⁶ Mi sua tingi indeenje yom Rom koyom tomini. Pa Anutu iboobo yom ma kewe Kresi lene kek.

⁷ Tana niom Rom koyom ta Anutu iur leleene piom, mi iboobo yom ma kewe wal kini potomnan kek na, nio anbeede ro tingi ima piom ta boozomen.

Tamanda Anutu mi Merere kiti Yesu Kresi ko tikampe yom, mi timboro yom ma kombot ambai. Nonoono.✧

Paulus leleene be ila mi ire zin Rom kan

✧ **1:1:** Ngo 9:15; Ga 1:15 ✧ **1:2:** Lu 24:25+; Yo 5:39; Ro 16:25+

✧ **1:3-4:** Mt 1:1+; Ibr 1:5 ✧ **1:5:** Ngo 26:16+; Ro 16:26; 1Kor 15:9+; Ga 1:15+ ✧ **1:7:** 1Kor 1:2+; Ga 1:3

⁸ Sua tio mataana kana, ina ta kembei: Niom ta boozomen tana kakam yo ma lelen ambai kat, mi anpakur Anutu tio pa Yesu Krisi zaana. Pa urlanana tiom uruunu tizzo ma irao lele ta boozomen kek. ✧ ⁹⁻¹⁰ Anutu ta anur lelen imap ila kini, mi anbesmbeeze pini, mi anzzoyaryaara uruunu ambainana ki Lutuunu na, ni iute ta kembei: Nio moton ingalngal yom pa sunjana tio totomen. Mi ingi anzunzunj besoparei na, itunu iur len zaala sa be anma mi anre yom. ✧ ¹¹ Pa lelen ilip be anre yom mi anpombol yom pa koron ambaimbainan pakan ta ki Bubunana i. ✧ ¹² Mi niom tomini ko kopombol yo. Naso itinan taparpombol ti pa urlanana kiti. ✧

¹³ O niom tonmatizin tio, nio lelen be kuute kat ta kembei: Ta mungu mi imar na, lelen be anma mi anre yom. Pa anso anre uraata tio iur nonono pakan ila mazwoyom tomini, kembei ta anre su lele pakan kizin wal ta Yuda somnan i. Tamen mazwaana boozomen ta anmanga be anma, na som. Koron pakan ipakalkaala yo. Tabe ikamam ma anma anre yom som. ✧

¹⁴ Pa nio ti, anyamaana kembei mbun tio biibi imbotmbot men i. Paso Anutu, ni ikampe yo mi imunai yo biibi. Tana anso ankam uraata pizin wal ta boozomen, bekenanpokot mbun tio tana. Zin Grik, mi zin wal ta Grik somnan i tomini. Mi zin ngarnan, mi zin wal ta len ngar somnan i tomini. ✧ ¹⁵ Uunu tina ta ankam siliigi be anma mi ansoyaara uruunu ambainana piom wal ta kombot Rom na tomini.

✧ **1:8:** Ro 16:19; Kol 1:3+ ✧ **1:9-10:** 1Tes 3:10; 2Tim 1:3 ✧ **1:11:** Ro 12:6+; 1Kor 12:7+ ✧ **1:12:** Ibr 10:24 ✧ **1:13:** Ro 15:22+ ✧ **1:14:** 1Kor 9:16

Uruunu ambaiḡana iswe zaala tabe tewe ndeenḡanda pa Anutu mataana

¹⁶ Nio ti, koḡ mianḡ pa uruunu ambaiḡana som. Pa ina zaala tau Anutu izzwe mburaana pizin wal boozomen ta tiurla na, mi ikamkewe zin ma timbot ambai. Mataana mi ikam pizin Yuda munḡu. Mana ikam pizin wal ta Yuda somḡan i tomini.☆

¹⁷ Pa uruunu ambaiḡana, ta izzwe zaala tau Anutu ikam ti ma tewe ndeenḡanda pa ni mataana. * Zaala tana ki urlaḡana men. Kembei ta sua ki Merere ta tibeede pataaḡa kek na isombe: Tomtom ta so iurla, nako iwe ndeenḡana mi ikam mbotḡana ta ki Anutu i.☆

Anutu kete malmalḡana kini izzwe kizin tomtom pa sanaana kizin

¹⁸ Anutu ta imbot saamba a, ni izzwe kete malmalḡana kini pizin wal boozomen ta titoto mbulu kini som. Mi zin wal tau tikamam mbulu bozboozo ta indeeḡe som, mi tipakalkaala sua ḡonoono pa mbulu kizin sananḡan na, ni iurur kadoono pizin.☆ ¹⁹⁻²⁰ Miombe Anutu iur kadoono pizin, na len sua sa som. Pa ni ipaute zin tomtom pa mbulu kini pakan ma timbot mat pa kek. Ḥonoono, tomtom tiḡe i som. Tamen indeeḡe tau ni iur saamba ma toono mi imar na, tiḡe zin

☆ **1:16:** Mk 8:38; Ḥḡo 3:26, 13:46; Ro 5:9+; 1Kor 1:18+; 2Tim

1:8 * **1:17:** Zin wal ta tiwe ndeenḡan pa Anutu mataana na, Anutu ire zin kembei len uunu sa tabe ni iur kadoono pizin pa i na som. Tanaombe mbeḡ kaimer ipet mi ni itiḡi zin pa mbulu kizin, inako iso pizin ta kembei: “Ḥiom tina, Lutuj ikam yom ma kewe ndeenḡoyom kek. Tana nio irao aḡur kadoono sa piom na som.”

☆ **1:17:** Hab 2:4; Ro 3:21+; Ga 3:11; Pil 3:9 ☆ **1:18:** Mbo 7:11; Yo 3:36; Ep 5:6; Kol 3:6

koron ta ni iur na. Mi nama muriini tana ipaute zin pa mbulu kini pakan kek. Mbulu ta kembei: Ni mburaana biibi, mi mburaana tana ko imbotmbot ma alok. Mi ni ipa ndel kat piti tomtom mi koron ta boozomen. Pa ni Anutu tau.✧

²¹ Pa tomtom ta boozomen tiute lup. Anutu, ni imbotmbot. Tamen tipakuri som, tipou i som. Mi lenen ambai pini pa kampenana kini som, mi tikamam ngar pa koron soroksorok ta nonono somnana i. Tanata ngar kizin ikankaana lup, mi matan imun pa koron ki Anutu.✧ ²² Zitun tiso zin len ngar biibi. Tamen zin kankaananan kat.✧

²³ Pa Anutu nonono ta zaana biibi, mi mburaana biibi, mi imbotmbot ma alok i, na tipizil ndemen pini, mi lenen be timbeeze pini som. Mi tisu mi timbesmbeeze pa koron soroksorok ta zitun tiurpe pa naman na, ma iwe tomtom, som man, som mbili, som koron karranan rungun. Tana koron tabe lonja men mi isaana i, ta zin tiso timbeeze pa.✧

²⁴ Uunu tina ta Anutu izem zin ma tikam mbulu irao zitun lenen mi ngar kizin sanannana. Tana tikamam mbulu ki me ma nge ta ingeeze som na, mi tiparpamian zitun.✧ ²⁵ Paso, tipizil ndemen pa sua nonono ki Anutu, mi lenen pa ngar pakaamnana ilip, mi timbesmbeeze pa zin koron ta Anutu iur zin na, mi tipakurkur zin. Mi ni ta iur zin koron tana ma tipet na, tipakuri som, mi timbeeze pini som. Mi iti, nako lelende ambai pini mi tapakuri

✧ **1:19-20:** Mbo 19:1+; Ngo 14:17+ ✧ **1:21:** Un 8:21; Ep 4:17+

✧ **1:22:** 1Kor 1:20,27, 3:18+ ✧ **1:23:** Lo 4:16+; Mbo 106:20; Ngo

17:29 ✧ **1:24:** Mbo 81:12; 1Kor 6:18; Ep 4:18+; 1Pe 4:3

pa kamperɲana kini totomen. Nonoono.☆

²⁶ Tana zin tipizil ndemen pa Anutu, mi ni izem zin ma timbot la tuntunɲana ki kulin be tikam mbulu ta pamianɲana biibi na. Mbulu kizin irao ngar sa som. Pa zin moori tizem mbulu ki ula, mi ziɲan zin moori pakan tikenne.☆ ²⁷ Mi zin tomooto ta kembena. Tuntunɲana ise pizin, to tizem mbulu ki ula, mi ziɲan zin tomooto pakan tikenne. Tana tipa ɲoobo pa zaala ki Anutu, mi mbulu sananɲana ta tiparkamam pizin ta iwe len kadoono. Mi ina indeeɲe men.☆

²⁸ Zin lelen be tikam ngar pa Anutu som, tanata izem zin ma ngar kizin italli kat, mi tikamam mbulu ta irao ngar sa som.☆ ²⁹ Tere zin na, kembei zin bok pa mbulu sananɲan matakiɲa boozomen ta ambai som kat. Pa tikamam mbulu kizin me ma ɲge i. Mi matan koronɲan kat. Tiurur koi pizin tomtom. Matan mburmbur. Titekteege siɲ pizin tomtom. Tiparzorzooro. Tipakamkaam. Tikamam ngar sananɲana pizin tomtom. Tininin kao.☆ ³⁰ Tiɲgalɲgal sua. Tiurur koi pa Anutu. Matan repilpiili zin tomtom mi tikototo zin. Tipakurkur zitun. Tiwidit zitun urun. Matan rru mbulu sananɲan ta poponɲan i be tikam. Mi tizorzooro pa taman ma nan bizin. ³¹ Tana tikankaana kat. Mi sua kizin na, irao tendemeere na som. Mi tiurur lelen pizin tonmatiziɲ kizin som, mi timunaiɲai tomtom sa som. ³² Mi zin tiute: Anutu iur sua pataaɲa kek ta kembei: Wal ta so tikamam mbulu ta kembei, ina ambai be timetmeete ma tila len.

☆ **1:25:** 1Tes 1:9; 2Tes 2:10; 1Yo 5:20 ☆ **1:26:** Wkp 18:22+; Ep 5:11+ ☆ **1:27:** Un 19:5; 1Kor 6:9,18; 1Tes 4:4+ ☆ **1:28:** Ro 1:22
 ☆ **1:29:** Ga 5:19+

Tamen tinoknok men. Mi so wal pakan tikam ta kembei tomini, to zin lelen ambai pizin mi tipombol zin.☆

2

Zaala tau Anutu itiiri iti pa mbulu kiti

¹ Mi nu tomtom ta so tirtiiri zin tomtom pakan pa mbulu kizin, mi zzo be zin sananjan na, kozo re u. Pa mbulu ta tikamam, ina nu tomini kamam. Tana sua ta zzo pizin, ina nu zzo pa itum tau. Nu lem sua sa som. Pa nu sananjon raraate kembei ta zin na.☆ ² Mi iti tuute: Zin wal ta so tikamam mbulu sananjana, na Anutu kola iur kadoono pizin. Mi ina indeenje men.☆ ³ Tana parei? Nu ta sombe tirtiiri wal pakan pa mbulu kizin mi zzo be zin sananjan, mi tamen itum kamam mbulu sananjana raraate kembei ta zin na, nu so ko mbot? Som. Nu tina, Anutu kola iur kadoono pu tomini. ⁴ Re. Ingi Anutu ikampe u mi imunai u biibi kat. Pa ni izza u, mi loja ipokot sanaana ku som. Parei? Kampejana mi munajana kini tana, nu re kembei koron sorok? Nu ute som? Ni ikamam pu ta kembei bekena re mi tooro lelem.☆

⁵ Tamen ngar ku imbol, mi lelem be tooru som. Mi ina nu ndoundou lem kadoono sananjana. Be mbenj kaimer, ma Anutu isombe iswe kete mal-maljana kini ma ipet kat mat, mi iur kadoono ndeenjana pizin tomtom, to kam kadoono ku tana.☆ ⁶ Pa Anutu kola iur kadoono pizin tomtom

☆ **1:32:** Mbo 50:18; Ro 6:21,23 ☆ **2:1:** Mt 7:1+; Yo 8:7+ ☆ **2:2:** 1Kor 4:5 ☆ **2:4:** Kam 34:6+; Ep 2:4+; 2Pe 3:9,15 ☆ **2:5:** Ro 1:18; Tur 6:17

ta boozomen ikot mbulu kizin kizin.☆ ⁷ Tana zin wal ta so tipiyotyooto mbulu ambaijana, mi tika-mam kinkiini be timbot raama Anutu lela azunka kini leleene ma alok, mibe Anutu iwit urun, na zin ko tikam mbotjana ki Anutu tabe iseenge iseenge ma ila.☆ ⁸ Mi zin wal ta so matan ingal zitun men, mi titoto sua nonono som, mi tinoknok mbulu sananjana, na Anutu ko keteene malmal pizin mi iur kadoono pizin.☆ ⁹ Tana wal boozomen ta so tikamam mbulu sananjana, na patanjana mi yoyoujana biibi ko ikam zin ma tiru zalan. Ko mataana mi ipet pizin Yuda. Mana ipet pizin wal ta Yuda somjan i.☆ ¹⁰ Mi wal boozomen ta so tikamam mbulu ambaijana, nako zijan Anutu tiparlup zin ma timbot ambai lela azunka kini leleene, mi Anutu iwit urun. Ko mataana mi ipet pizin Yuda. Mana ipet pizin wal ta Yuda somjan i tomini.☆ ¹¹ Pa Anutu, ni ikamam mbulu ndelndelja pizin tomtom som. Ni ikamam mbulu raraate men pizin tomtom ta boozomen.☆

¹² Nonono, zin wal ta Yuda somjan i, tiute tutu ki Mose som. Tana Anutu irao itiiri zin pa tutu tana som. Mi koron pakan na, tiute. Tamen tito som. Sanaana kizin tana, ta ko ikam zin ma tila len. Mi zin Yuda na, tiute tutu ki Mose. Tana Anutu ko itiiri zin pa tutu tana. ¹³ Mi kere yom. Pa tutu lenjana men ko irao ikam ti ma tewe ndeenjanda pa Anutu mataana na som. Bela urlanjana kiti ipiyooto mbulu ta tutu iso pa na, tona Anutu ire

☆ **2:6:** Mbo 62:12; Mt 16:27; 2Kor 5:10; Tur 22:12 ☆ **2:7:** Mt 25:46 ☆ **2:8:** Mt 7:18; Ro 1:18; 2Tes 1:6+, 2:12 ☆ **2:9:** Lu 12:47+; Ro 1:16; 1Pe 4:17 ☆ **2:10:** Ngo 10:34+; Ro 2:26; Yems 2:24
 ☆ **2:11:** Ep 6:9; Kol 3:25; 1Pe 1:17

²¹ Lak, nu ta sombe paute zin wal pakan na, parei ta paute itum som? Re. Nu kamam sua pizin tomtom be tikem pepe. Mi parei pa itum? Kem som?✧ ²² Mi nu zzo pizin tomtom be tipasaana ula pepe. Itum pasaana ula som? Mi nu zzo be lelem pizin merere pakaamɲan risa som. Mi parei pa itum? Sei lem urum kizin ka koron sa som?✧ ²³ Tana nu ta nim se pa tutu mi pase pa na, itum molo tutu som kek? Re: Kokena molo tutu, to pasaana Anutu uruunu. ²⁴ Sua ki Merere iso kom sua munɣu kek ta kembei: Mbulu tiom ta ikamam ma zin wal ta Yuda somɲan i kwon pasom Anutu.✧

Reetenjana ɲonoono, ina koron ki lelende

²⁵ Nu sombe toto tutu, na mbulu ki reetenjana ko iuulu u. Mi sombe mololo tutu, na reetenjana ku ko iwe koron sorok. Pa Anutu ko ire u raraate kembei zin wal ta tireete zin som na.✧ ²⁶ Mi sombe tomtom sa, ni tireeti som, mi tamen urlanana kini ipiyotyooto mbulu ta tutu iso pa na, ina ni ko iwe Anutu tomtom kini raraate kembei ta zin wal ta tireete zin na.✧ ²⁷ Nonoono, tutu ta tibeede se ro na, niom Yuda kuute. Mi tireete yom kek. Tamen sombe komololo tutu, na kere yom. Pa zin wal ta tireete zin som, mi tamen matan ingalɲgal tutu ka mbulu mi titoto, nako tiwe uunu piom be Anutu ingal motoyom mi iur kadoono piom. Pa mbulu kizin ilip piom kek.✧

²⁸⁻²⁹ Tomtom ta so zaana Yuda mi tireeti kek, mi tamen itoto tutu ka mbulu som, ina ni Yuda

✧ **2:21:** Mbo 50:16+; Mt 23:3+ ✧ **2:22:** Mt 5:27+ ✧ **2:24:** Ezek 36:20+; 2Pe 2:2 ✧ **2:25:** Ga 5:3 ✧ **2:26:** Ro 2:7,10; Ga 5:6 ✧ **2:27:** Mt 12:41+

ḡonoono som. Ni Yuda ka woono men. Pa mbulu ḡonoono ki Yuda, ina koronj ki lelende. Mi reetenjana ḡonoono ta kembena. Ina koronj ki kulindi som. Ina koronj ki lelende. Reetenjana ta kembei na, tutu ta tibeede se ro na, irao ikam piti som. Ina imar pa uraata ki Bubunjana Potomjana. Mi tomtom ta so ikam reetenjana ta kembena, na ni iurur mataana pizin tomtom be tiwit uruunu som. Tamen Anutu, ni ko iwit tomtom tana uruunu.✧

3

Anutu itoto sua kini

¹ Sua tio tana ko ipei wiḡana ta kembei: “Kena parei pizin Yuda? Len kosa sa tabe ikam zin ma tilip pizin wal pakan i som? Mi reetenjana tomini. Iuulu zin be parei?” ² Wai! Mbulu ambaimbaiḡan matakiḡa ta ipet pizin Yuda. Mataana mi tileḡ Anutu itunu kalḡaana, mi ni iur sua kini tana ila naman be matan pa.✧ ³ Ḥonoono, sua ta ziḡan Anutu timbuk na, Israel pakan tito som. Mi parei? Ko mbulu kizin tana ikam ma Anutu tomini mataana mbeleele sua kini mbukḡana, mi ito som? Na som.✧ ⁴ Pa niam amso ta kembei: Tomtom ta boozomen tipakaam lak. Mi Anutu, ni izzo sua ḡonoono men mi itoto sua kini. Kembei ta sua kini ta tibeede pataḡa kek na iso:

Anutu, sua ku iswe kembei nu kamam mbulu ndeenḡana men.

Kozobe titiiru pa mbulu ku, so tindeenḡe lem uunu sa isaana som.✧

✧ **2:28-29:** Ro 9:6+; 1Kor 4:5; 2Kor 3:6; Ga 6:15; Pil 3:3; Kol 2:11+

✧ **3:2:** Mbo 147:19+; Ḥgo 7:38; Ro 9:4 ✧ **3:3:** Ro 9:6, 11:29; 2Tim

2:13; Ibr 4:2 ✧ **3:4:** Mbo 51:4, 116:11

⁵ Mi nio aŋute. Wal pakan ta tikamam ŋgar ki toono na, ko tisu mi tiso sua kankaanaŋana ta kembei: “Anutu mbulu kini indeeŋe som. Pa sanaana tiam, ina iuluuli. Pa ikam ma mbulu kini ndeeŋeŋana imbot kat mat. Kozobe niam amkam sanaana som, so ni zaana biibi pa mbulu kini ndeeŋeŋana be parei? Tana parei ta ni keteene malmal mi iurur kadoono pa sanaana tiam? Koron so ni leleene ambai piam!”☆ ⁶ Ina ko som ma som kat. Anutu, ni ikamam mbulu ndeeŋeŋana men. Mi be som, so ni irao itiiri kat zin tomtom ta timbot su toono na, mi iur kadoono pizin pa mbulu kizin be parei?☆

⁷ Mi tomtom toro ko imanga mi iso sorok ta kembei: “Mbulu tio pakaamŋana ta iwe zaala pa Anutu be zaana iwe biibi. Pa ina ikam ma mbulu kini ta izzo sua ŋonoono men na, imbot kat mat. Mi so kembena, na uunu parei ta ni iso nio tomtom sananŋon mi isombe iur kadoono pio? ⁸ Koron so tonoknok mbulu sananŋana men. Naso tu'uuli mi ikam zaana biibi pa muŋaiŋana kini.” Nio aŋute: Wal pakan tingalŋgal sorok sua pio ma tizzo nio aŋkamam sua kankaanaŋana ta kembena. Wal tana, Anutu itunu ko iur kadoono pizin. Miombe ikam ta kembei, ina indeeŋe men.☆

Tomtom ta boozomen tizem Anutu zaala kini kek

⁹ Tana ko toso parei? Zin Yuda tilip pizin wal ta Yuda somŋan i? Som kat! Pa nio aŋso ma imbot mat kek. Iti tomtom ta boozomen ta sanaana ikis ti

lup. Zin Yuda mi zin wal ta Yuda somɲan i tomini.☆

10 Ka sua ta tibeede pataɲa kek:

Tomtom sa, ni ndeenɲana som.☆

11 Mi tomtom sa ikam kat ɲgar som.

Sa ikam kinkiini be iute Anutu mi ito mbulu kini som.

12 Pa timap ma tizem zaala kini kek. Tipiyooto mbulu ambaiɲana sa som.

Tana tomtom sa ikamam mbulu ndabokɲana na som. Som ma som kat.

13 Sua mbuyeeneɲana ta iwedet pa kwon. Mi lelen na, tiso tipasaana zin tomtom.

Zin mian bogboogonɲan mi tipakamkaam.

Mi zin kembei ta mooto sananɲana. Paso, kwon bok pa sua sananɲana ta ipasansaana zin tomtom.☆

14 Tana kwon kalaana som kat. Pa gorgori ta tiwirri sua sananɲana kat.☆

15 Zin tilonloondo be titeege siɲ pizin tomtom.

16 Mi tiwwa raama mbulu boozomen ta ipasansaana zin tomtom mi ikamam pataɲana pizin.

17 Tana zaala ambaiɲana ki taparlup ti ma tewe tamen na, zin tiute risa som.☆

18 Mi Anutu na, timototo i som, mi tilenɲen la kalɲaana som. Som kat.☆

Tutu ipumun iti tomtom ta boozomen kwondo

19 Sua tana indeenje zin wal ta Yuda somɲan i mi zin Yuda tomini. Pa iti tuute: Anutu sua kini ta boozomen, ina ni iur pizin Yuda be tito. Tamen

☆ **3:9:** Ro 1:18+; Ga 3:22 ☆ **3:10:** Mbo 14:1+, 53:1+ ☆ **3:13:**

Mbo 5:9, 140:3 ☆ **3:14:** Mbo 10:7 ☆ **3:17:** Yesa 59:7+; Lu 1:79

☆ **3:18:** Mbo 36:1

tito som. Tana iti tomtom ta boozomen ta tamap tombot su toono ti na, tutu imbot be ipumun kwondo lup, mibe ipei ngar kiti ma tikilaala itundu ta kembei: Anutu kete malmalɲana kini imbotmbot se kiti. Pa takam ɲoobo kek. ☆ 20 Tana mbulu ki toto tutu, ina ko iwe zaala pa tomtom sa be iwe ndeenɲana pa Anutu mataana na som. Som ma som kat. Tutu imbot be ipei ngar kiti ma tikilaala sanaana kiti. ☆

Zaala ta Anutu ikam ti ma tewe ndeenɲanda

21 Mi koozi na, Anutu iswe zaala toro piti be tewe ndeenɲanda pa ni mataana. Zaala tana, ki tutu toɲana som. Tamen tutu mi sua ta muɲgu Anutu kwoono bizin tibeede na, tipatoonjo iti pa zaala tana. ☆ 22 Zaala tana ki urlaɲana. Pa wal boozomen ta so tiurla ki Yesu Kisi, inako Anutu ire zin kembei wal ndeenɲan. Zin Yuda, mi zin wal ta Yuda somɲan i tomini. Pa iti ta boozomen na raraate men. ☆ 23 Tamap ma takam sanaana lup. Mi ina ikam ma tombot molo pa Anutu mi mbulu kini ndabokɲana. Pa mbulu kiti irao som. ☆ 24 Tamen Anutu, ni muɲainɲana katuunu. Tanata imuɲai iti, mi iur lende zaala toro be tewe ndeenɲanda. Zaala tana imbot la uraata ki Yesu Kisi. Pa sanaana kiti ka kadoono, ta ni ibaada kek. Tana ni itatke iti pa patanɲana ki sanaana kiti. ☆ 25 Ni, Anutu iuri ma siɲiini ireere ila iwal biibi matan, bekana ibaada sanaana kiti ka kadoono mi ipunmeete Anutu kete

☆ 3:19: Ro 3:9,23, 4:15 ☆ 3:20: Mbo 143:2; Ro 7:7; Ga 2:16, 3:11; Tit 3:5 ☆ 3:21: Un 15:6; Ngo 10:43, 15:11; Ro 4:6; Pil 3:9
 ☆ 3:22: Ro 1:17, 10:12; Ga 3:28; Kol 3:11 ☆ 3:23: Ro 11:32; Ga 3:22 ☆ 3:24: Ro 5:1; Ep 1:7, 2:8; Kol 1:14; Tit 3:5

malmalɲana kini. Tana zin tomtom ta so tipase pa uraata kini tana, na ni ireege sanaana kizin. Mi ina iswe kembei Anutu mbulu kini indeenje men. Mi be Anutu ikam mbulu tana som, so mbulu kini indeenje som. Paso wal boozomen ta munɣu tikamam sanaana na, ni iyaramraama kete malmalɲana kini, mi iurur kadoono pizin som.✧ 26 Mi koozi tomini, Anutu mbulu kini ta imuɲaiɲai zin wal urlaɲan pa sanaana kizin, ina indeenje men. Paso, Kisi ibaada sanaana kizin ka kadoono kek. Tana sombe Anutu ipaata zin wal ta tiurla ki Yesu na be wal ndeenɲan, ina indeenje men.✧

27 Mi so kembena, na asin irao ipakur itunu pa mbulu kini ambainɲana? Som. Pakurnɲana ta kembei na, sa mini som. Pa iti toto kat tutu, to tapakur itundu. Mi ingi som. Ingi tombot la zaala ki urlaɲana men.✧ 28 Pa tuurla ta kembei: Urlaɲana men ta iwe zaala piti be tewe ndeenɲanda pa Anutu mataana. Mi mbulu ki toto tutu, na som.✧

29 Mi parei? Anutu, ni Anutu kizin Yuda men? Som. Ni Anutu kizin wal ta Yuda somɲan i tomini.✧ 30 Pa Anutu tamen ta imbotmbot. Mi ni iur zaala tamen pizin tomtom ta boozomen. Zin Yuda ta titoto mbulu ki reetenɲana, mi zin wal ta tito mbulu tana som na tomini. Mi zaala tana, ina ta kembei: Zin sombe tiurla, inako ni ire zin kembei wal ndeenɲan.✧ 31 Mi parei? Sombe tapakur urlaɲana ma iwe koron biibi, ko takam ma tutu iwe koron

✧ 3:25: Ngo 13:38+; 2Kor 5:19; Kol 1:20; Ibr 9:12+ ✧ 3:26: Mbo 51:4; Ga 2:16 ✧ 3:27: 1Kor 1:29+; Ro 4:5; Ep 2:9 ✧ 3:28: Ro 3:20, 8:3; Ga 2:16; Ep 2:8+ ✧ 3:29: Ngo 10:34+; Ro 9:24+, 10:12; Ga 3:28 ✧ 3:30: Ngo 15:9+; Ro 4:11+; Ga 3:8

sorok? Som kat. Pa urlanana ta ipeeze kat tutu ka uunu, mi ipiyotyooto ka mbulu.☆

4

Abaraam mi Dabit tipatoonjo iti pa zaala ki urlanana

¹ Iti matanda miili pa Abaraam ta niam Yuda amyooto pini na. Ko toso parei pini? ² Mbulu kini ambainana ikami ma iwe ndeenenana pa Anutu mataana? Som. Pa sombe kembena, to ni irao ipakur itunu mi niini se. Mi ingi som. ³ Pa sua ki Anutu isombe:

Abaraam iurla ki Anutu, tanata Anutu ipomoozi ma ire i kembei ni tomtom ndeenenana.☆

⁴ Iti tuute: Sombe tomtom sa ikam uraata, mi biibi kini ikam le kadoono, na tere kadoono kini tana kembei pomoozonana som. Pa ina ikot uraata kini men.☆ ⁵ Mi tomtom ta so ipase pa itunu mbulu kini, som uraata kini ambainana sa som, mi ipase men pa Anutu tau ikamam iti tomtom sanananda ma tewe ndeenenanda i, na tomtom ta kembena ta Anutu ipomoozi, mi ikami ma iwe ndeenenana pa urlanana kini.☆ ⁶⁻⁸ Dabit tomini iso ka ngar tamen. Pa sua kini isombe:

Zin wal ta so tipanoobo pa zaala ki Anutu, mi Anutu imunai zin ma ireege sanaana kizin, nako lenen ambai pa kampenana biibi ta ise kizin na.

Pa tomtom ta sombe Anutu mataana ila pa sanaana kini mini som,

☆ **3:31:** Mt 5:17; Ro 8:3+, 13:10; Ga 5:22+ ☆ **4:3:** Un 15:6; Ga 3:6; Yems 2:23 ☆ **4:4:** Ro 11:6 ☆ **4:5:** Yo 6:29; 2Kor 5:21; Pil 3:9

na ni tana ko leleene ambai kat pa kampejāna
biibi tana.✠

Sua taingī iso iti ta kembei: Iti sombe tuurla men,
ina irao. Anutu ko ipomoozo ti, mi ire iti kembei
tomtom ndeenjāna. Mi uraata toro sa som.
Tana tomtom ta kembei, nako leleene ambai kat.
Pa ina Anutu ikampe i ma biibi.✠

⁹ Mi zinjoi ta ko tikam kampejāna tana? Zin Yuda
men ta tireete zin, som zin wal ta tireete zin som
na tomini? Takam ngar pa Abaraam mini. Niam
amso kek: Ni iurla, tanata Anutu ire i kembei tom-
tom ndeenjāna. ¹⁰ Lak, Abaraam iwe ndeenjāna
be parei? Ni tireeti, mana iwe ndeenjāna? Som.
Ni iwe ndeenjāna mungu, mana tireeti. ¹¹ Tana
indeenje Abaraam tireeti zen na, urlajana kini,
ta ikami ma iwe ndeenjāna. To imbot imbot
ma kaimer to tireeti. Tana Anutu ikam mbulu
ki reetenjana pini bekena ipomboli, mibe iwe ki-
lalan pini kembei ni iwe ndeenjāna kek. Naso
Abaraam iwe wal urlajan ta boozomen taman.
Tana zin wal ta so tireete zin som, mi tiurla men
bekena tiwe ndeenjan pa Anutu mataana, ina
tiwe Abaraam lutuunu bizin tomini.✠ ¹² Mi wal
reetenjan ta kembena. Sombe tipase pa reetenjana
kizin tana som, mi titoto zaala ki urlajana kem-
bei tamanda Abaraam ikamam pa mazwaana ta
tireeti zen na, zin tomini tiwe lutuunu bizin.

*Urlajana ta iwe zaala pa sua mbukjana be iur
jonoono*

¹³ Mungu, Abaraam iurla, tana iwe ndeenjāna
pa Anutu mataana. To Anutu imbuk sua pini mi

✠ **4:6-8:** Mbo 32:1+; 2Kor 5:19 ✠ **4:6-8:** Ro 3:28; Ga 2:16

✠ **4:11:** Un 17:10+; Ro 4:16+; Ga 3:7+

zin poponjana kini, mi iso zin zan be tikam toono ta boozomen. Sua mbukjana tana, Anutu ikam pini pa uunu tau ni itoto tutu i na som.☆ 14 Mi kozobe tapase pa mbulu ki tutu tonjana be ikam ti ma zanda pa matamur ki Anutu, so tarao be takam matamur tana som. To sua mbukjana tana iwe koronj sorok. Mi urlanana ta kembena. Iwe koronj sorok. 15 Pa iti ta boozomen tomololo tutu. Tana tutu ikam ma Anutu kete malmaljana kini imbotmbot se kiti. Mi be tutu imbot som, so iti tarao be tomolo tutu som. To lende uunu sa isaana som.☆

16 Mi Anutu, ni leleene be sua kini mbukjana iur nonono pa Abaraam poponjana kini ta boozomen. Zin Yuda ta titoto tutu ki Mose na, mi zin wal pakan ta titoto Abaraam pa urlanana kini na tomini. Pa iti tomtom ta tuurla na, iti ta boozomen tamanda ta Abaraam. Tanata Anutu ikampe iti, mi iur lende zaala toro be tere sua kini mbukjana ka nonono. Zaala tana na, urlanana tau.☆ 17 Kembei sua ta tibeede pataanja kek na iso: Nio ko anjaku ma we zin karkari ta boozomen taman.☆

Tana Abaraam iwe kembei iti tamanda pa Anutu mataana. Pa ni ta ipatoonjo iti pa zaala ki urlanana, mi iurla ki Anutu tau irao be ipei zin meetenjan ma timanja, mi sombe leleene be koronj sa ipet, na iso men pa kwoono mi koronj tana ipet.☆

Abaraam iwe kin ambainana pa mbulu ki urlanana

☆ 4:13: Un 17:4+; Ga 3:18,29; Ibr 11:9 ☆ 4:15: Ro 5:13, 7:7+; 1Kor 15:56; Ga 3:10 ☆ 4:16: Ro 3:24, 15:8; Ga 3:7,22 ☆ 4:17: Un 17:4+ ☆ 4:17: Yo 5:21; Ep 2:1-5; Ibr 11:3,19

¹⁸ Mungu Anutu imbuk sua pa Abaraam ta kembei: “Poponjana ku kola timasak ma tiwe munjaana ka tieene.” Mi Abaraam iute: Sua tana na, zaala sa be iur nonoono som. Tamen iurla kat kembei Anutu, irao be ikam mbulu tana ma ipet, mi iurur mataana pa. Tanata ikam ma ni iwe zin karkari ta boozomen taman. ☆ ¹⁹ Indeenje mazwaana tana, Abaraam iute: Ni iwe kolman ma mburaana imap kek. Pa ndaama kini igarau pa tomtoto lamata. Mi Sara tomini, ni iwe kolmannan kek. Tabe irao ipeebe na som. ☆ ²⁰ Tamen Abaraam leleene iwe ru pa sua mbukjana ki Anutu som. Uurlajana kini imbol ma imbotmbot. Mi urlajana kini tana ipom-bolmboli, tanata ikamam ngar pa sua mbukjana ki Anutu men, mi ipakurkuri pa. ²¹ Pa ni iurla kat ta kembei: Sombe Anutu imbuk sua pa koron sa, ina ni mburaana irao ikam ma sua kini tana iur nonoono. ☆ ²² Abaraam urlajana kini ta kembei, tanata sua isombe: “Anutu ipomoozi, mi ire i kembei ni tomtom ndeenjenana.”

²³ Sua lwoono tana, tibeede pa Abaraam itu-tamen som. Tibeede piti tomini. ☆ ²⁴ Pa sombe tuurla ki Anutu ta ipei Merere kiti Yesu ma imanga mini pa naala, nako Anutu ipomoozo iti tomini, mi ire iti kembei tomtom ndeenjenanda. ☆ ²⁵ Pa Anutu izem Yesu ila tomtom naman, mi tipuni ma imeete bekeni ireege sanaana kiti. Mi ipei i ma imanga mini, tana iti tuute: Ni ikam iti tomtom urlajanda ma tewe ndeenjenanda kek. ☆

☆ **4:18:** Un 15:5; Ibr 11:11 ☆ **4:19:** Un 17:17, 18:11; Ibr 11:11+

☆ **4:21:** Mbo 115:3; Mt 19:26 ☆ **4:23:** Ro 15:4 ☆ **4:24:** Ngo

2:24, 13:30; Ro 10:9 ☆ **4:25:** Ro 5:9, 8:32; 2Kor 5:21; Ga 1:4

5

Anutu, ni ikam koronj boozo piti kek

¹ Tana, urlanana ta iwe zaala piti ma tewe ndeenenanda pa Anutu mataana kek. Mi so kemberena, na itinan Anutu taparwe kanda koi mini som. Pa Merere kiti Yesu Krisi ta ikam ma itinan Anutu taparlup ti ma tewe tamen kek. ☆ ² Tana iti tomtom ta tuurla kini na, ni iwe zaala piti ma koozi tombotmbot lela Anutu kampanana kini leleene mi tarao be tagarau Anutu. Tanata iti menmeen ti ma nindi se, mi tu'urur matanda pa nol tabe Anutu ikam ti ma tala tombot raami lela azunka kini leleene i. ☆ ³ Mi tina men som. Sombe patanana ikam ti, na menmeen ti pa tina tomini. Pa iti tuute: Ina ipombol ti be temender mboljana. ☆ ⁴ Mi sombe temender mboljana mi tabaada patanana ma imap, inako ikam ti ma lelende imet kat la ki Anutu. To ketende guruk pa kosa sa mini som, mi tombol ma tombotmbot, mi tazza koronj ambainana tabe Anutu ikam piti i. ☆ ⁵ Mi iti ko tasa i sorok na som. Pa Anutu ikam Bubunana ma isalakaala iti kek. Mi Bubunana tana ikamam ti ma tayamaana la lelende kembei Anutu, ni leleene piti ilip. ☆

⁶ Kere. Mungu iti tuute Anutu som, mi lende mburanda sa be takam mbulu ambainana sa som. Tamen indeenje kat ka nol na, Yesu Krisi imeete piti tomtom sanananda. ☆ ⁷ Lak, so tomtom i ta

☆ **5:1:** Ngo 10:36; Ro 3:28+; 2Kor 5:19; Ep 2:13+; Kol 1:20 ☆ **5:2:** Ep 2:5+, 3:12; Ibr 2:10+, 10:19 ☆ **5:3:** Ngo 5:41; 2Kor 12:10; Yems 1:2+; 1Pe 1:5+, 3:14 ☆ **5:4:** Ibr 6:18+, 10:36; Yems 1:12 ☆ **5:5:** Mbo 22:5; Ro 8:15; 2Kor 1:22; Ga 4:6 ☆ **5:6:** Ro 4:25; Ga 4:4+; Kol 2:13

irao izem itunu ma imeete, beken a iuulu tomtom toro? Som. Inako wal rimen ŋonoono. Mi ko tizem zitun sorok pa tomtom ta boozomen som. Bela tomtom ta ni ndeenɛɛɛana mi ambainɛɛana kat mi zin lelen pini ilip, to ko irao tizem zitun pini. ⁸ Mi Anutu ikam ta kembena som. Pa indeene ta iti tomtombot men la zaala sananɛɛana na, Kri si imeete piti. Ina iswe kat kembei Anutu leleene piti ilip. ☆ ⁹ Mi sombe Kri si sinjiini ikam ti ma tewe ndeenɛɛɛanda kek, na parei? Ko ni irao igedgeede iti, mi Anutu kete malmalnɛɛana kini tabe ipet pa mbenɛ kaimer i ise kiti? Na som. Ni ko ikamke iti pa tina tomini. ☆ ¹⁰ Pa kere. Munɔu iti tewe Anutu ka koi bizin. Tamen meetenɛana ki Lutuunu ta ikam ma itinɛan Anutu taparlup ti ma tewe tamen kek. Mi so kembena, na iti tuute: Lutuunu ta imanga mini pa naala mi imbot mata yaryaara ma alok i, ni kola ikamke iti ma tomtombot ambai. ☆ ¹¹ Mi koronɛ toro tomini. Iti tapakur Anutu pa Merere kiti Yesu Kri si zaana, mi menmeen ti biibi pini. Pa ni ta ikam ma koozi itinɛan Anutu taparlup ti ma tewe tamen.

*Adam ikam ti ma tasaana pa Anutu mataana.
Mi Yesu Kri si ikam ti ma tewe ndeenɛɛɛanda pa Anutu mataana*

¹² Iti tuute: Munɔu tomtom tamen ta iwe zaala pa sanaana ma ipet pa toono. Mi sanaana kini tana, ta ikam tomtom ta boozomen ma tisaana lup, mi iwe zaala pa meetenɛana ma ipet. Tanata meetenɛana ila ma ikam tomtom ta boozomen. ☆

☆ **5:8:** Yo 3:16, 15:13; 1Pe 3:18; 1Yo 4:10 ☆ **5:9:** 1Tes 1:10

☆ **5:10:** Ro 8:34; 2Kor 5:18+; Ep 2:16; Kol 1:20+ ☆ **5:12:** Un 2:17, 3:6,19; Mbo 51:5; Ro 6:23; 1Kor 15:21+

13-14 Mi indeenje ta Adam mi ila Mose na, tomtom timbot mat pa Anutu tutu kini som. Paso, tutu ki Mose imar zen. Tamen mazwaana tana tomtom timetmeete. Ina iso iti ta kembei: Sanaana imbotmbot. Nonoono, zin tomtom ta timbot pa mazwaana tana na, tikam sanaana kembei Adam som. Pa tiute Anutu tutu kini som. (Uunu tina ta zin len uunu pa sanaana kizin som). Tamen Anutu ire zin kembei timbot lela Adam sanaana kini leleene, tana meetejana izemzem zin som. Tana Adam, ni iwe kin pa Ni ta imar pa kaimer na. ✧ 15-16 Pa Adam, ni tomtom tamen nonoono. Mi mbulu kini ta izooro Anutu kaljaana, ta ikam ma tomtom ta boozomen timetmeete. Mi Yesu Kisi, ni tomini tomtom tamen nonoono. Tamen uraata kini ikampe tomtom ta boozomen mi iwe zaala pizin be mujaajana mi kamperjana ki Anutu ise kizin ma biibi. Tana mbulu ta zorojana ki Adam ipiyooto, mi mbulu ta mujaajana mi kamperjana ki Anutu ipiyooto, na raraate kat som. Pa sanaana tamen nonoono ki Adam, ta ipasaana iti ta boozomen ma iwe uunu piti be Anutu iur kadoono piti mi temetmeete ma tala lende. Tamen indeenje iti ta boozomen tembel zorojana kek na, Anutu isu na ipomoozo iti, mi ikam ti ma tewe ndeenjanda. ✧ 17 Tana muju tomtom tamen izooro Anutu kaljaana. Mi ina iwe zaala pa meetejana ma ipet mi imborro tomtom ta boozomen. Mi mujaajana mi kamperjana ki Anutu, ina mburaana biibi. Ilip kat pa meetejana mburaana. Mi tomtom tamen ta iwe zaala piti be takam mujaajana mi kamperjana kini tana. Ni

✧ 5:13-14: Ro 4:15; 1Kor 15:21+ ✧ 5:15-16: Ro 3:23+; 2Kor 5:14+

Yesu Krisi. Tana zin wal ta so tikam muṇaiṇana mi kampeṇana kini biibi tana ma iwe len bekenatiwe ndeenṇan pa Anutu mataana, nako tikam mbotṇana ta ki Anutu i, mi tikam peeze kembei zin king ma alok. ☆

¹⁸⁻¹⁹ Tana muṇgu tomtom tamen ṇonoono izooro Anutu kalṇaana mi ikam sanaana. Mi ina ikam tomtom ta boozomen ma tiwe wal sananṇan pa Anutu mataana ma len uunu be Anutu iur kadoono pizin ma tila len. Mi Krisi ta kembena. Ni tomtom tamen ṇonoono. Mi ito Anutu tutu kini ma imap. Mbulu kini tana, ta iwe zaala pizin tomtom boozomen ma tiwe ndeenṇan pa Anutu mataana. Naso tikam mbotṇana ki Anutu. ☆

²⁰ Tutu imar pizin tomtom bekenana sanaana kizin ipet mat. Naso tikilaala kembei sanaana kizin biibi kat. Tamen muṇaiṇana ki Anutu na, ilip ma ilip kat pa sanaana kizin tomtom. ☆ ²¹ Tana muṇgu, sanaana mi meetenṇana ta timborro iti. Mi koozi na, Merere kiti Yesu Krisi ikam ti ma tewe ndeenṇanda kek. Tana kampeṇana mi muṇaiṇana ki Anutu ta imborro iti. Naso takam mbotṇana kini tabe iseenṇe iseenṇe ma ila. ☆

6

Itiṇan Krisi temeete kek. Tana tamap pa sanaana kamṇana

¹ Tana iṇgi ko toso parei? Sombe Anutu imuṇai iti sorok, mi ikam ti ma tewe ndeenṇanda kek, ko tonoknok sanaana bekenana muṇaiṇana kini tana

☆ **5:17:** Yo 1:16, 10:10; Tur 22:5 ☆ **5:18-19:** Ro 6:23; Pil 2:8; Ibr 5:8+; 1Yo 2:2 ☆ **5:20:** Yo 15:22; Ro 3:20, 7:7+; Ga 3:19 ☆ **5:21:** Ro 6:23

ipet ma iwe biibi? ☆ 2 Som kat! Pa iti tomtom ta tuurla na, tamap pa sanaana kek kembei ta wal meetenjan. Parei, ko tusu mi tombot la zaala ki sanaana mini? ☆ 3 Niom kuute som? Iti ta boozomen takam yok beken a tesekap la ki Kri si, mibe tagaabi pa meetenjana kini. ☆ 4 Tana zaala ki Kri si ta iti tototo. Pa ni imeete mi Tamaana mburaana ndaboknana ipei i ma burup ma imanja mini pa naala. Mi iti ta kembena. Indeenje ta takam yok, ina kembei itinjan Kri si temeete ma titwi iti, beken a takam lende mbotnana poponjana ta ambainjana i. ☆

5 Mi sombe tesekap la ki Kri si, mi tagaabi pa meetenjana kini, inako tagaabi pa manjanjana kini tomini, mi takam mbotnana poponjana kembei ta ni na. ☆ 6 Pa iti tuute: Lelende mungunjana ta sananjan a i, ina tipun raama Yesu sala ke pam-baaranjana kek beken a mburaana imap. Naso tewe mbesoonjo pa sanaana mini som. ☆ 7 Pa tomtom ta sombe igaaba Kri si pa meetenjana kini, na Anutu itatke i pa sanaana mburaana kek. Tana sanaana zaana be imboro i mini som. ☆

8 Tana iti tuurla ta kembei: Sombe tagaaba Kri si pa meetenjana kini, inako tamanja mi takam mbotnana poponjana tomini kembei ta ni. ☆ 9 Iti tuute: Anutu ipei Kri si ma imanja mini pa naala kek. Tana ni irao imeete mini som, mi meetenjana imboro i mini som. ☆ 10 Pa ni imeete pa sanaana

☆ 6:1: Ro 3:5+ ☆ 6:2: 2Kor 5:14+; Ga 2:20; Kol 3:3+; 1Pe 2:24

☆ 6:3: Ga 2:20, 5:24 ☆ 6:4: 2Kor 5:17; Ep 2:5+, 4:22+; Kol 2:12

☆ 6:5: Ro 8:11; Pil 3:10+; 2Tim 2:11 ☆ 6:6: Ga 5:24, 6:14; Ep

4:22; Kol 3:5,9; 1Yo 3:9 ☆ 6:7: Yo 8:32+; Ro 8:2; 2Kor 3:17; 1Pe 4:1

☆ 6:8: Ro 8:11; Ga 2:19+; Pil 3:10+; 2Tim 2:11 ☆ 6:9: Ngo 2:24;

Tur 1:18

pa tamen n̄onoono, tona isala ki Anutu. Mi koozi ni imbotmbot be imbeeze pa Anutu mi ikam ma Anutu zaana iwe biibi. ☆

¹¹ Tana niom ta kembena. Kakam ngar pa ituyom ta kembei. Koso: “Niam tomtom ta amsekap la ki Yesu Kisi i na, amap pa sanaana kam̄ana, kembei zin tomtom ta timeete ma timap pa toono na. Mi ingi ambotmbot be ambesmbeeze pa Anutu mi ampakur zaana.” Kozo kakam ngar ta kembei, to ambai. ☆ ¹² Pa niom kuute: Kaimer ko kemetmeete. Tana kezem sanaana mi leleyom mun̄un̄ana ma ikamam peeze piom mini pepe. ☆

¹³ Motoyom ingalngal ituyom raama koron̄oyom kembei ta kumbuyom mi nomoyom mi kwoyom ma ingi. Kokena kezem zin ma tiwe sanaana lene be tikam mbulu sanan̄ana. Pa mun̄u niom kembei zin tomtom meeten̄an. Mi koozi na, Anutu ipei yom ma kamanga pa mbot̄ana popon̄ana kek. Tana kuur ituyom ramaki koron̄oyom ta boozomen ma kewe Anutu lene kat, mi kakam mbulu ta ndeen̄ana men. ☆ ¹⁴ Pa ingi kombot la zaala ki tutu mini som. Ingi kombot la zaala ki kampen̄ana mi mun̄ain̄ana. Tana sanaana zaana sa be imboro yom mini som. ☆

Tewe mbesoon̄o pa sanaana mini pepe

¹⁵ Mi parei? Sombe tombot la zaala ki tutu mini som, mi tombot la zaala ki kampen̄ana mi mun̄ain̄ana, ko tonoknok sanaana? Som kat! ☆

☆ **6:10:** Ibr 7:27, 9:26+; 1Pe 3:18 ☆ **6:11:** 2Kor 5:14+; Ga 2:20; Kol 3:3+; 1Pe 2:24 ☆ **6:12:** Un 4:7; Mbo 119:133 ☆ **6:13:** Ro 12:1; 2Kor 5:14+; Kol 3:5; 1Pe 4:2 ☆ **6:14:** Ro 7:4+, 8:2; Ga 5:18; 1Yo 3:6 ☆ **6:15:** Ro 6:1; 1Kor 9:21; Ga 2:17+; 1Yo 3:9

16 Niom kuute som? Sombe koyok pa tomtom sa be imboro yom, mi kototo ngar kini, na niom kewe mbesoonjo pini kek. Tana kere: Kokena kewe mbesoonjo pa sanaana, to ikam ma kemetmeete. Kewe mbesoonjo pa Anutu mi kototo i. Naso mbulu tiom indeenje men. ☆ 17 Nonoono, mungu niom kewe mbesoonjo pa sanaana. Tamen iti tapakur Anutu! Pa indeenje ta tikam sua ki Anutu piom na, kuur leleyom ma imap pa sua tana mi koto. Tana koozi sua tana ta imborro yom mi ikamam peeze piom. 18 Mungu sanaana ikototo yom. Tamen Anutu itatke yom pa sanaana mburaana ma sanaana zaana sa be imboro yom mini som. Tana ingi kewe mbesoonjo pa mbulu ndeenenana. ☆

19 Nio anjute: Iti tomtom toono kanda na, le-lende be tewe mbesoonjo som. Mi ingi anso sua se ki mbulu ki mbesoonjo beken ajuulu yom ma kakam kat ngar. Mungu niom kezemzem ituyom ma kewe mbesoonjo pa mbulu zooronana mi mbulu ta ingeeze som na. Mi koozi na, ka ngar tamen tau. Bela kezem ituyom ma kewe mbesoonjo pa mbulu ndeenenana. Naso kewe potomjoyom. ☆

20 Indeenje tau kembesmbeeze pa sanaana na, kewe mbesoonjo pa mbulu ndeenenana som. 21 Mi kere. Mbulu ta kakamam pa mazwaana tana na, iuluulu yom risa? Som. Koozi motoyom la pa mi koyom mianj. Pa ina mbulu tabe ikam yom ma kemetmeete ma kala leyom. ☆ 22 Mi koozi na, Anutu itatke yom pa sanaana mburaana ma

☆ 6:16: Yo 8:34; 2Pe 2:19 ☆ 6:18: Yo 8:32; Ro 8:2; 1Pe 2:16

☆ 6:19: Ro 12:1 ☆ 6:21: Ro 8:13; Ep 5:12; Pil 3:19

sanaana zaana sa be imboro yom mini som. Mi kewe mbesoonjo pa Anutu kek. Ina iuulu kat yom. Pa ipiyotyooto mbulu potomjana piom, mi iwe zaala piom be kakam mbotjana ki Anutu tabe iseenje iseenje ma ila. ☆

²³ Zin wal ta so timbesmbeeze pa sanaana, na meetenjana ta ko iwe len kadoono. Mi iti tomtom ta tesekap la ki Merere kiti Yesu Krisi i, na Anutu ipomoozo iti mi ikam lende mbotjana kini tabe iseenje iseenje ma ila. ☆

7

Zin urlanana kan timbot la zaala ki tutu mini som

¹ Niom tonmatizij tio, tutu ka mbulu na, niom kuute kek. Tutu, ina imborro zin wal matan yaryaaranan men. Mi zin wal ta timetmeete kek na, tutu le sua sa pizin mini som. ² Kembei ta moori ulanana sa. Tutu iso ni bela imbot ki kusiini ma irao meetenjana iyembut ziru. Mi sombe kusiini imeete, na tutu tana imboro moori tana mini som. ☆ ³ Tana sombe kusiini imbotmbot men, mi moori tana izemi mi ila ki tomooto toro, na imolo ula ka tutu. Mi sombe kusiini imeete, mi moori tana iwoolo tomooto toro, na imolo ula ka tutu som. Paso, meetenjana ki kusiini iyembut ula kizin, tana tutu ula kana imboro i mini som. ☆

⁴ Niom tonmatizij tio, ina raraate men piom. Pa niom kagaaba Krisi pa meetenjana kini, mi sanaana tiom ka kadoono ta tutu iso pa na, Krisi ibaada kek. Tana koozi kamap pa zaala ki tutu, mi kewe tomtom toro lene kek. Ina ni ta burup ma

☆ **6:22:** 1Pe 2:16 ☆ **6:23:** Un 2:17; Ezek 18:4; Yo 3:16; Ro 5:18; Yems 1:15 ☆ **7:2:** 1Kor 7:39 ☆ **7:3:** Mt 5:32; Lu 16:18

imaŋga mini pa naala bekena ikam ti ma tipiyotyooto mbulu ambaimbainjan ta Anutu leleene pa i.
☆

⁵ Mungu, indeenje ta lelende munḡunana men imborro iti, na tutu ipeyei mbulu ki lelende munḡunana. Tana nindi ize pa mbulu sananjan bozboozo tabe ikam ti ma temetmeete ma tala lende i. ☆ ⁶ Mi koozi na, iti tagaaba Kriŋi pa meetenana kini kek. Tana zaala ki tutu ta munḡu imborro iti na, imborro iti mini som. Inḡi tamap pa zaala munḡunana ki tutu ta tibeede se ro na, mi tototo zaala poponana ta ki Bubunana i, mi tembesmbeeze pa Anutu. ☆

Tutu ipei nḡar kiti ma tikilaala sanaana kiti

⁷ Tana inḡi ko toso parei? Tutu, ina koron sananjanana? Som kat! Sombe tutu imbot som, so anḡilaala kat sanaana tio som. Kembei ta mbulu ki matanda berber. Nio anḡilaala sanaana tana paso, tutu iso ta kembei: “Motom berber pepe.” Mi be tutu tana imbot som, so nio irao anḡilaala sanaana tio som. ☆ ⁸ Tamen tutu tana imbot, tabe ipiyooto sanaana ta imbot la lelen i ma ipet mat. Pa ikam ma moton berber pa koron matakinja ta boozomen! Mi be tutu imbot som, so sanaana le mburaana som ma kembei imeete kek. ☆ ⁹ Tana indeenje tau anute tutu zen na, anbot ambai. Mi kaimer, indeenje ta tutu imar na, ikam ma sanaana imaŋga raama mburaana biibi. Tabe ikam yo ma anmeete. ¹⁰ Kere. Tutu ta Anutu iur bekena takam

☆ **7:4:** Ro 6:3; Ga 2:19+, 5:18+; Kol 2:14 ☆ **7:5:** Ro 6:21, 8:8; Ga 5:19; Yems 1:15 ☆ **7:6:** Ro 6:4, 8:2+; 2Kor 3:6 ☆ **7:7:** Kam 20:17; Ro 3:20 ☆ **7:8:** Yo 15:22; Ro 4:15

mboṭṭana kini, ta ikam yo ma aṇmeete! ☆ 11 Paso, tutu iwe zaala pa sanaana ma ipet, tabe ipakaam yo, mi ipun yo ma aṇmeete. *

12 Kena ko toso parei pa tutu? Tutu, ina koron sananṇana? Som kat! Ina koron ambaiṇana mi potomṇana. Mi mbulu ta tutu iso pa na tomini, ina potomṇana, mi ndeenṇana, mi ambaiṇana. ☆

13 Lak, koron ambaiṇana tana, ta ipun yo ma aṇmeete? Som. Sanaana ta imbot la leleṇ i, ta ikam yo ma aṇmeete. Tana kere. Sanaana itooro tutu ta koron ambaiṇana na, ma iwe koron sananṇana pio. Pa sanaana ikam yo ma aṇmololo tutu, tabe iwe uunu pio be Anutu iur kadoono pio ma aṇmeete. Mbulu tana iswe kat kembei sanaana, ina koron ambai som kat. ☆

Mbulu ambaiṇana ta lelende pa be takam, na takamam som. Pa lelende muṇṇana imbotmbot men raama iti

14 Iti tuute: Tutu, ina koron ki Bubunṇana. Mi nio na, leleṇ muṇṇana ta imbotmbot raama yo men i. Nio ingi kembei ta sanaana ingiimi yo ma aṇwe lene kek be aṇbesmbeeze pini. ☆ 15 Nio aṇkankaana pa mbulu ta aṇkamam i. Pa mbulu ta leleṇ pa, na aṇkamam som. Mi mbulu ta leleṇ pa som kat, ta ingi aṇkamam i. ☆ 16 Mi sombe leleṇ pa mbulu sananṇana ta aṇkamam i som, ina iswe kembei leleṇ ṇonoono na, anyok pa tutu, mi aṇre

☆ 7:10: Un 2:16–3:7; Wkp 18:5 * 7:11: Wal ṇgarṇan pakan tiso ta kembei. ṇonoono, ingi Paulus iso sua se ki itunu. Mi ni ikam ṇgar pa mbulu ta ipet pa Adam ziru Eba. ☆ 7:12: Mbo 19:7+; Ga 3:21; 1Tim 1:8 ☆ 7:13: Ro 6:23 ☆ 7:14: Mbo 51:5; Ro 3:9, 6:15
 ☆ 7:15: Ga 5:17; 1Yo 1:8+

tutu kembei koronj ambainjana. ¹⁷ Tana mbulu tio sananjan, nio itunj lelenj mi anjamam som. Ingi imar pa sanaana ta imbot la lelenj i. ¹⁸ Nio anjute kat ta kembei: Koronj ambainjana sa imbot la lelenj som. Ingi anso pa lelenj ta munjunana i. Pa nio lelenj be anjam mbulu ambainjana men. Tamen anrao som. ☆ ¹⁹ Tana mbulu ambainjana ta lelenj pa be anjam na, anjamam som. Mi mbulu sananjan ta lelenj pa som kat, ta ingi anjamam i. ²⁰ Mi sombe lelenj pa mbulu sananjan ta anjamam i som, ina iswe kembei nio itunj lelenj mi anjamam som. Ina imar pa sanaana ta imbotmbot la lelenj i.

²¹ Tana nio anre mbulu ti iwedet pio. Sombe lelenj be anjam mbulu ambainjana sa, na irao anjam kat na som. Pa sanaana ta imbotmbot raama yo men i. ²² Mi nio itunj lelenj nonoono na, anso anjo kat tutu ki Anutu, mi lelenj pa ilip. ☆ ²³ Tamen ingi anre kembei mburaana toro imbotmbot la lelenj mi ikamam uraata pio i. Mi mburaana tana ziru Anutu tutu kini ta ngar tio iyok pa i tiporrou. Pa sanaana ta imbotmbot la lelenj i, ina ikiskis yo ma kembei lenj zaala som. ☆

²⁴ Oora nio. Lelenj munjunana ti, ta ko ikam yo ma anmeete. Mi asiŋ ko irao be itatke pio? ☆ ²⁵ Nio anpakur Anutu mi lelenj ambai pini. Pa ni iur Merere kiti Yesu Krisi be itatke pio.

Tana nio itunj ngar tio anso anbeeze pa Anutu mi anjo tutu kini. Tamen lelenj ta munjunana i, ina iso imbeeze pa sanaana. ☆

☆ **7:18:** Un 6:5, 8:21 ☆ **7:22:** Mbo 1:2, 119:35 ☆ **7:23:** Ga 5:17; Yems 4:1; 1Pe 2:11 ☆ **7:24:** Ro 6:6, 8:2 ☆ **7:25:** Yo 8:36; 1Kor 15:57

8

Mbotɲana kizin wal ta Bubunɲana ikamam peeze pizin

¹⁻² Sua boozomen ta anso ma ila kek na, ka uunu ta kembei: Iti wal ta tesekap la ki Yesu Kisi i na, lende uunu sa mini tabe Anutu iur kadoono piti pa i na som. Pa Bubunɲana ta ikamam mbotɲana ki Anutu piti i, itatke iti pa zaala ki sanaana mi meetenana kek.☆ ³ Tana koron ta tutu irao be ikam som, ta Anutu itunu ikam piti. Pa ni iute: Ngar ki lelende munɲunɲana na, imbol mete piti. Tanata ingo itunu Lutuunu ma isu iwe tomtom kembei ta iti, mi kuliini ire yoyounɲana, mi imeete piti tomtom sananɲanda. Tana sanaana kiti ka kadoono, ta Anutu ikam se ki Kisi lup kek, mi mbulu ta tutu iso pa na, Kisi ito ma imap.☆ ⁴ Naso tipiyotyoto mbulu ndeenɲanda ta tutu iso pa na. Ingi anso pa iti tomtom ta tototo ngar ki lelende munɲunɲana mini som, mi tototo peeze ki Bubunɲana na.☆

⁵ Zin tomtom ta lelen munɲunɲana ikamam peeze pizin i, na ngar kizin ilala pa koron ta ki lelen munɲunɲana men. Mi zin tomtom ta Bubunɲana ikamam peeze pizin i, na ngar kizin ilala pa koron ta ki Bubunɲana i.☆ ⁶ Zin tomtom ta ngar kizin ilala pa koron ki lelen munɲunɲana men na, timbotmbot la zaala ki meetenana. Mi zin tau tikamam ngar ta ki Bubunɲana i, na timbotmbot la zaala ki mbotɲana mata yaryaaranɲana, mi ziɲan Anutu tiparlup zin

☆ **8:1-2:** Yo 8:36; Ro 5:16, 6:14+; 2Kor 3:6 ☆ **8:3:** Ngo 13:38+; Ro 7:18; 2Kor 5:21; Ibr 10:1+ ☆ **8:4:** Ro 3:31, 13:10; Ga 5:22+ ☆ **8:5:** Yo 3:6; 1Kor 2:14+; Ga 5:19+

ma tiwe tamen kek.✧ ⁷ Tomtom ta so ngar kini imap ma ilala pa koron kileleene munɣuna men, na ni iwe Anutu ka koi. Pa ni leleene be tutu ki Anutu ikam peeze pini som. Mi ni irao be ito tutu tana som.✧ ⁸ Tana zin tomtom ta lenen munɣuna ikamam peeze pizin i, na zin tirao be tikam mbulu sa ta Anutu leleene pa i na som. Som ma som kat.

⁹ Mi niom na, leleyom munɣuna ikamam peeze piom som. Pa sombe Anutu Bubuna imbot la leleyom, na Bubuna tana kola ikam peeze piom. Mi sombe tomtom sa, Kriki Bubuna imbot la leleene som, na ni tomtom ki Kriki som.✧

¹⁰ Nonono, niom ko kemeete. Ka uunu imbot la ki sanaana tau. Tamen sombe Kriki imbotmbot la leleyom, na kewe ndeenenoyom pa Anutu mataana kek. Tanata Bubuna ipiyotyoto mbotjana ki Anutu piom.✧ ¹¹ Pa Anutu, ni ipei Yesu Kriki ma imanga mini pa naala kek. Mi sombe Anutu Bubuna imbotmbot la leleyom, na ni ko ikam ma Bubuna tana mburaana ipei yom tomini ma burup ma kamaɣa raama kuliyom poponana.✧

Uraata ta Bubuna ikamam pa Anutu lutuunu bizi

¹² Tana niom tonmatiziɣ tio, iti lende uraata be toto ngar ki Bubuna. Mi toto ngar ki lende munɣuna mini pepe.✧ ¹³ Pa sombe koto ngar ki leleyom munɣuna, ina kozo ko ikam ma kemetmeete ma kala leyom. Mi sombe kapase pa Bubuna mburaana mi kupunmetmeete mbulu

✧ **8:6:** Ro 5:1, 6:21+; Ga 6:8 ✧ **8:7:** 1Kor 2:14; Kol 1:21; Yems 4:4

✧ **8:9:** 1Kor 3:16, 6:19; Ga 5:22+; 1Yo 4:13 ✧ **8:10:** Ro 6:23; Ga

2:20; Ep 3:17 ✧ **8:11:** Ro 6:5; 1Kor 6:14; 2Kor 4:14 ✧ **8:12:** Ro

6:14

boozomen ki leleyom munḡunḡana, inako kakam mbotḡana ta ki Anutu i.✠

¹⁴ Pa zin tomtom ta Anutu Bubunḡana ikamam peeze pizin, ta tiwe Anutu lutuunu bizin. ¹⁵ Mi Bubunḡana ta Anutu ikam piti na, ni irao ikam ti ma tewe mini kembei ta zin mbesoonḡo tau timototo zin bibip kizin na som. Ni izzo piti ta kembei: “Anutu lutuunu bizin ta niom na.” Mi ni ikamam ti ma tozzo ta kembei: “O, Abba tamanḡ.”✠ ¹⁶ Tana Bubunḡana Potomḡana itunu mi nḡar ta imbotmbot la lelende i, ziru tilup mi tizzo piti ta kembei: “Niom tana, Anutu lutuunu bizin.”✠ ¹⁷ Mi sombe tewe Anutu lutuunu bizin kek, na iti zanda be takam matamur ambainḡana ta Anutu isombe ikam pizin wal kini. Mi iti men som. Itinḡan Kriḡi ko takam matamur tana. Pa sombe tabaada patanḡana pa Kriḡi zaana isu toono ti, inako kaimer to itinḡan Kriḡi tombot ndabok lela azunḡa kini leleene.✠

Anutu kola ikam ti ma tala tombot raami lela azunḡa kini leleene

¹⁸ Patanḡana boozomen ta koozi iwedet i, nio anḡre kembei koronḡ sorok. Paso, mbotḡana ndabokḡana tabe Anutu ipiyooto piti pa kaimer i, ina ko ilip kat pa patanḡana tana.✠ ¹⁹ Kere. Koronḡ boozomen ta Anutu iur zin na, tiyakyaaga nḡuren, mi tiurur matan ma timbotmbot. Pa lelen be tire kat nol tabe Anutu ipamaala lutuunu bizin ma timbot kat mat.✠ ²⁰⁻²¹ Pa buri ti, sanaana ikam ma koronḡ boozomen ta Anutu iur zin na, tisaana lup.

✠ **8:13:** Ro 6:23; Ga 5:24, 6:8; Kol 3:5+ ✠ **8:15:** Ga 4:6; 2Tim 1:7; 1Yo 4:18 ✠ **8:16:** Yo 1:12; 2Kor 1:22 ✠ **8:17:** Ga 3:29, 4:7; Pil 1:29; 2Tim 2:11+; Tur 21:7 ✠ **8:18:** 2Kor 4:17; Pil 3:20+ ✠ **8:19:** Kol 3:4; 1Yo 3:2

Tikamam katkat uraata kizin som, mi loŋa men mi tizanzaana. Mi ina zitun lelen mi tikamam ta kembena som. Ina tito Anutu leleene. Tamen Anutu ko izem zin ma timboren ta kembena ma alok na som. Kaimer, ni kola itooro zin ma tiwe ndabokŋan kat kembei ta lutuunu bizin. To koron sananŋana sa ko irao imbuulu zin mini som. Tanata inŋi tiurur matan pa ma timbotmbot.✧

²² Iti tuute: Ta muŋgu mi imar ma imarmar men i, koron boozomen ta Anutu iur zin na, tikaraŋeŋeeze ma timbotmbot, kembei moori ta ikam pikin i. ²³ Mi zin men som. Iti ta Anutu ipomoozo iti mi ipumuunŋu Bubunana piti na tomini. Tetwer la pa kar saamba mi tozzo ta kembei: “Njiizi na Anutu ikam ti ma tewe ni lutuunu bizin kat, mi itatke iti pa sanaana mburaana, mi ikam lende kulindi poponana?”✧ ²⁴ Nonoono, Anutu ikamke iti kek. Tamen tere kat ka nonoono zen. Tanata inŋi tu'urur matanda pa ma tombotmbot. Pa koron ta takam zen, to tu'urur matanda pa. Miombe tere kat ka nonoono kek, na irao tuur matanda pa mini som.✧ ²⁵ Mi iti tuute: Koron ta tu'urur matanda pa i, na iti kola takam. Tanata temendernder mbolŋana mi tanamnaama men tau.✧

²⁶ Mi koron toro tomini. Iti mburanda biibi som. Tamen Bubunana imarmar mi iuluulu iti be tabaada pataŋana kiti. Miombe lelede ipata kat, mi tuute som: Ko tusun be parei, mi toso so sua i, na Bubunana itunu izunzun piti, mi ipazalzal sunŋana kiti.✧ ²⁷ Mi sunŋana ta Bubunana ikamam

✧ **8:20-21:** Un 3:17+, 5:29; 2Pe 3:13; Tur 21:1,5 ✧ **8:23:** 2Kor 5:2+; Ga 5:5; Pil 1:23, 3:21 ✧ **8:24:** 2Kor 5:7; Tit 3:7 ✧ **8:25:** Ibr 11:1 ✧ **8:26:** Yo 14:16; Ep 6:18

pa Anutu wal kini na, itoto kat Anutu leleene. Mi Anutu ta itirtiiri leleende i, ni iute n̄gar ki Bubun̄jana. Tana ni ko ileŋ sun̄jana tana.

Kosa sa ko irao be ipasaana kat iti na som

²⁸ Iti tuute: Mbulu boozomen ta iwedet i, ina Anutu itortooro ma iwe koron̄ ambaimbain̄an pizin wal tau tiur lelen pini i. Mi ina zin wal ta ni itunu leleene mi iboobo zin ma tiwe lene na. ☆ ²⁹ Pa zin wal ta ni ipeikat zin pataaŋa kek, ta ni leleene iur be ikam zin ma tiwe kembei ta itunu Lutuunu Kriŋi na. Naso Lutuunu tana iwe mun̄gamun̄ga, mi tiziini ma lunuri bizin boozo. ☆ ³⁰ Mi zin wal ta ni leleene iur pizin, ta ni iboobo zin ma tiwe lene. Mi zin wal ta ni iboobo zin, ta ni ikam zin ma tiwe ndeen̄eŋan. Mi zin wal ta ni ikam zin ma tiwe ndeen̄eŋan na, ni ko ikiskis zin ma ila ila irao timbot lela azun̄ka kini leleene. ☆

Kosa sa ko irao be itatke iti pa mun̄ain̄ana ki Anutu na som

³¹ Tana ko toso parei? Sombe Anutu itunu ilae kiti, na asin̄ ko irao be ipasaana iti? Som. ☆ ³² Pa kere. Anutu iruutu itunu Lutuunu piti som. Ni iyok pini ma isu toono mi ikam murindi ma imeete. Mi sombe Anutu ikam piti ta kembena, ko iruutu koron̄ kini pakan? Som. Ina iswe kembei ni ko ikampe iti pa koron̄ ta mun̄jaana men. ☆

☆ **8:28:** Un 50:20; Ep 1:11; 2Tim 1:9 ☆ **8:29:** 2Kor 3:18; Ep 1:5,11; Kol 1:5,11,15+; 1Pe 1:2; 1Yo 3:2 ☆ **8:30:** Yo 10:27+; Ro 9:23+; Ep 1:5,11; 2Tim 1:9; 1Pe 2:9 ☆ **8:31:** Mbo 56:4; Ibr 13:6 ☆ **8:32:** Un 22:13; Yo 3:16

33 Mi asinj ko ipamender iti pa sanaana kiti? Som. Pa Anutu ipei kat iti ma tewe lene, mi ikam ti ma tewe ndeenjanda kek.☆

34 Mi asinj ko iur kadoono piti pa sanaana kiti? Som. Pa Yesu Krisi imeete piti, mi Anutu ipei i ma imanja mini kek. Mi koozi ni imbotmbot la Anutu namaana woono, mi izunzun piti a.☆

35 Mi sokorei ta irao be itatke iti pa munajana ki Krisi? Ko patajana sa? Som tombot njoobo? Som tiseeze matanda? Som peteele? Som tombot sorok? Som koron sananja toro sa ta ikamam be ipasaana iti? Som buza kwoono? Som kat.

36 Nonoono, mbulu boozomen tana iwedet piti. Ka sua imbot pataja kek ta kembei:

Niam ti amwe lem kek, tanata gorgori tikazas yam sorok ma ametmeete i.

Tire yam kembei sipsip ta timbit zin be tipun zin i.☆

37 Tamen koron ta boozomen tana irao ikam kosa sa piti na som. Pa Ni ta iur kat leleene piti, ta ikamam ma tiliplip pa koron ta boozomen tana.☆

38-39 Tana nio anjurla kat ta kembei: Munajana ki Anutu ta imar pa Merere kiti Yesu Krisi na, koron sa ko irao itatke iti pa na som. Tana meetejana, mbotjana ki toono, mbulu sa ta koozi iwedet i, mbulu sa tabe ipet pa kaimer i, anjela sa, bubujana sananja sa, koron mburaanajana toro sa, koron sa ta imbot kor, som koron sa ta imbot meleebe na, koron boozomen ta Anutu iur zin na, tasa ko irao

☆ 8:33: Yesa 50:8+; Tur 12:10+ ☆ 8:34: Mbo 110:1; Ro 8:1; Ibr 7:25; 1Yo 2:1 ☆ 8:36: Mbo 44:22; 1Kor 4:9, 15:30+ ☆ 8:37: Yo 16:33; 1Kor 15:57; 2Kor 2:14; 1Yo 4:4; Tur 12:11

itatke iti pa munainana ki Anutu na som. Som ma som kat.☆

9

Paulus leleene ipata kat pizin Israel ta tiurla ki Krisi som

¹ Sua ta nio buri be anso i, pakaammana som. Mi ingi anso raama lelen. Pa nio tomtom ki Krisi. Mi Bubunana Potommana ta ikamam peeze pio i, ni ikam yo ma anute kat ta kembei: Sua ti, sua nonoono. ²⁻³ Nio ti, gorgori ta ankamam ngar pizin wal tio Israel na, lelen izanzaana pizin mi lelen ipata kat. Pa niam uyam tamen tau. Tana lelen ilip be Anutu ikamke zin. Mi ingi anrru zaala be anuulu zin. Mi so parei na, irao anyok pa itun be sanaana kizin ka kadoono ise tio ma anla len, mi zon imap pa Krisi.☆

Anutu ikam koron booze pizin Israel

⁴ Pa kere. Anutu ikam koron booze pizin Israel. Ni ikam zin ma tiwe lutuunu bizin. Mi mungu imbotmbot la mazwan, mi izzwe mburaana mi azunka kini pizin. Zinan Anutu timbuk sua booze bekena tiparlup zin ma tiwe tamen. Mi zin ta tikam tutu. Anutu itunu ipaute zin pa zaala mi mbulu ki sunnana. Mi Anutu imbuk sua pizin pa koron booze.☆ ⁵ Abaraam, Isak, mi Yakop poponana kizin ta zin i. Mi sin kizin, ta imar imar ma Krisi ipet. Krisi, ni Anutu. Mi imborro koron ta boozomen. Tana iti tapakur ni zaana totomen. Nonoono.☆

☆ **8:38-39:** Ep 1:21; Kol 2:15; 1Pe 3:22 ☆ **9:2-3:** Kam 32:32; Ro 10:1 ☆ **9:4:** Un 17:2, 28:14+; Kam 4:22, 19:5 ☆ **9:5:** Mt 1:1+; Yo 1:1; Ro 1:3+, 11:28

Ta munḡu mi imar na, Abaraam popoḡana kini pakan na, Israel ḡonoono, mi pakan na som

⁶ ḡonoono, koozi zin Israel boozo tiurla ki Kriṣi som. Mi kokena toso sua mbukḡana ta Anutu ikam pizin na iur ḡonoono som. Na som. Pa kere. Zin Israel timap ma tiwe Anutu wal kini ḡonoono som. Pakan men.✧ ⁷ Mi Abaraam popoḡana kini ta kembena. Zin wal ta tiyooto la kini na, timap ma tiwe popoḡana kini ḡonoono som. Pa Anutu iso pa Abaraam ta kembei:

Popoḡana ku ḡonoono ko tipet la ki Isak men.✧

⁸ Sua ti ka ḡgar ta kembei. Anutu, ni ikam ḡgar pa siḡ som. Tana zin wal ta tiyooto pa siḡ ki Abaraam na, timap ma tiwe Anutu lutuunu bizin som. Mi zin wal ta sua mbukḡana ki Anutu ipiyooto zin na, zin men ta Anutu ire zin kembei lutuunu bizin.✧

⁹ Pa sua ta Anutu imbuk la ki Abaraam na, iso ta kembei:

Talala beso ka nol ipet, to aḡmiili ma aḡmar mini.

Mi sombe aḡmar, na kusim Sara ko ipeebe lem pikin tomooto kek.✧

Anutu itoto itunu leleene mi munḡaiḡana kini, mi ipeikat zin tomtom

¹⁰ Mi tina men som. Munḡu tumbuyam Isak ziru Rebeka tipeebe boogo ru.✧ ¹¹⁻¹² Mi pikin ru tana tisu zen mi, Anutu iso pa Rebeka ma iso:

Kaimer pikin munḡamunḡa ko iwe mbesoonḡo pa pikin ta kaimernḡana na.✧

Kere. Mazwaana tana, pikin ru tana tikam kosa sa zen. Tikam mbulu ambainḡana sa som, sananḡana

✧ **9:6:** Yo 8:39+; Ro 2:28+; Ga 6:15+ ✧ **9:7:** Un 21:12; Ibr 11:18

✧ **9:8:** Ga 3:29, 4:23, 28 ✧ **9:9:** Un 18:10, 14 ✧ **9:10:** Un 25:21

✧ **9:11-12:** Un 25:23

sa som. Tamen kan sua imuungu pataaŋa. Mbulu tana iso iti ta kembei: Sombe Anutu ipeikat tomtom sa, na uunu imbot la ki tomtom tana itunu mbulu kini, som uraata kini sa na som. Ina Anutu ito itunu leleene mi ŋgar kini mi ikam mbulu tana pini. ☆ ¹³ Mi Anutu sua kini lwoono toro iso ka ŋgar raraate men. Iso:

Yakop na, nio lelenj pini mi aŋkami. Mi Isau na som. ☆

¹⁴ Kenako toso parei? Anutu mbulu kini indeenje som? Som. ☆ ¹⁵ Pa kere. Muŋgu ni iso pa Mose ma iso:

Nio, sombe lelenj isaana pa tomtom sa, mi lelenj be aŋmuŋai i, inako aŋmuŋai i. ☆

¹⁶ Tana sombe Anutu ikam ti, na uunu imbot la itundu uraata kiti, som mbulu kiti ta lelende pini i na som. Ina ni ikam ti irao itunu muŋaiŋana kini men tau. ☆ ¹⁷ Mi sua lwoono toro iso pa sua ta Anutu ikam pa king kizin Aikuptu na. Iso ta kembei:

Nio aŋuru ma we king beken a we zaala pio mi aŋswe mburoŋ ma ipet mat. Naso kaimer tiwit nio zoŋ, mi tisoyaara uruŋ ma irao toono ta boozomen. ☆

¹⁸ Tana iti tuute: Sombe Anutu leleene be imuŋai tomtom sa, na imuŋai i. Mi sombe leleene be ikam ta kembei som, na izem tomtom tana ma ila ito itunu leleene sananŋana. ☆

☆ **9:11-12:** Ro 8:29+; Ep 2:8 ☆ **9:13:** Mal 1:2+ ☆ **9:14:** Lo 32:4; Mbo 92:15 ☆ **9:15:** Kam 33:19 ☆ **9:16:** Ep 2:8+; 2Tim 1:9; Tit 3:5 ☆ **9:17:** Kam 9:16 ☆ **9:18:** Kam 4:21, 14:4,17; Ro 11:25

19 Mi tomtom tiom sa ko imanja mi iso: “Wai, sombe Anutu ikamam ta kembena, na uunu parei ta keteene malmal pa sanaana kiti? Asinj irao izooro ngar kini?” ☆ 20 Mi pekelnana tio ta kembei: Nu so tomtom i ta sombe we biibi pa Anutu, mi peleeli pa mbulu kini? Nu sa musmuuzu mi koron sorok ki toono na! Parei, ko kuuru iso pa tomtom ta imbuuzi na ma iso: “Uunu parei ta nu urpe yo ta kembei?” Som. ☆ 21 Tomtom ta imbusmbuuzu toono ma iwe kuuru na, ni itoto itunu leleene mi iurpewe zin kuuru. Tana ni irao ikam toono ndounana ta, mi iurpe pakaana ma iwe kuuru ambainana kat be imbot pa uraata biibi sa. Mi pakaana na, ikam ma iwe kuuru ta sorok i. ☆

22-23 Mi Anutu, ni ikam mbulu raraate men. Pa ni leleene be iswe munainana kini, ramaki mburaana mi mbulu kini tau keteene malmal pa sanaana mi iurur kadoono pa. Mi zin kuuru ta kete malmalnana kini imbotmbot se kizin i, na ni ipasansaana zin karau som. Iyaramraama kete malmalnana kini, mi inamnaama zin. Paso, ni mataana ingalngal zin kuuru ta ni leleene iur pizin be imunai zin na. Kuuru tana, ni isombe ipaute zin pa mbulu kini ndaboknan matakina ta boozomen, mi ikam zin ma timbot raami lela azunka kini leleene. ☆ 24 Mi kuuru tana na zinloi? Ina wal boozomen ta ni iboobo zin ma tiwe lene na. Zin Yuda men som. Zin wal ta Yuda somnan i tomini. 25 Kembei ta Anutu kwoono Hosea iso: Zin wal ta nio wal tio som na, nio ko anpaata zin be “wal tio.”

☆ 9:19: Dan 4:32+ ☆ 9:20: Yesa 45:9, 64:8 ☆ 9:21: 2Tim 2:20

☆ 9:22-23: Ro 2:4, 8:28+

Mi ni ta munḡu lelenḡ pini som, nako anḡso pini ta kembei: “Nio lelenḡ pu.”✠

²⁶ Mi lele ta munḡu tomtom timbot pa, mi Anutu iso pizin ma iso: “Niom wal tio som.”

Na lele tamen ta tina ta zin ko timbot pa, mi Anutu mata yaryaaraḡana iso pizin ma iso: “Nio lutuḡ bizin ta niom na.”✠

²⁷ Mi Yesaya, ni ipaḡarai kaḡaana pizin Israel ma iso:

Nonoono, zin Israel boozo kat ma kembei ta mag-argaara tai kana. Tamen zin tomtom kizin tabe anḡkamke zin ma timbot ambai na, zin rimen ḡonoono.✠

²⁸ Pa kadoono ta Merere isombe iur pizin tomtom toono kan na, ni ko ikam pizin karau men. ²⁹ Mi ina kembei sua lwoono toro ta munḡu Yesaya iso na.

Malanto Merere mbura keskeezenḡana ipotom tomtom tiam pakan ma timbot be tipepeebe. Pepe, so amap ma amla leyam kembei ta zin Sodom ma Gomora.✠

Zin Israel lenen be tito zaala ki urlaḡana som

³⁰ Tana ko toso parei? Zin wal ta Yuda somḡan i, ta munḡu tikamam kinkiini be tiwe ndeenḡan pa Anutu mataana som, ta koozi tiurla mi tiwe ndeenḡan kek.✠ ³¹ Mi zin Israel na som. Nonoono, tikamam kinkiini kat pa tutu. Pa tiso ko iwe zaala pizin be tiwe ndeenḡan pa Anutu mataana. Tamen tikam ma som.✠ ³² Paso, lenen be tito zaala

✠ **9:25:** Hos 2:23; 1Pe 2:10 ✠ **9:26:** Hos 1:10 ✠ **9:27:** Un 22:17; Yesa 10:22+; Ro 11:5 ✠ **9:29:** Un 19:24+; Yesa 1:9 ✠ **9:30:** Ro 1:16+, 3:22, 4:5; Ga 2:16; Pil 3:9 ✠ **9:31:** Ro 10:2+, 11:7; Ga 5:4

ki urlaŋana som, mi tipase pa zitun mbulu kizin ambaimbainan. Tabe ikam ma zin kembei titutkat kumbun la pat mi tisursur ma tila.✧ 33 Kembei ta sua ki Merere iso:

Re. Nio aŋur pat ta isu abal Sion.

Pat tana, tomtom pakan ko titutkat kumbun la, mi sursur ma tila.

Mi pakan na, pat tana ko ikam zin ma timelmel.

Tamen zin tomtom ta so tipase pini mi tiurla kini, na tasa ko ka mian som. Zin ta boozomen ko nin se. Pa zin kola tire urlaŋana kizin ka ŋonoono.✧

10

Zin Israel ŋgar kizin ipet pa Anutu zaala kini zen

¹ O niom toŋmatizin tio, koron ta, ta nio lelen pa ilip. Ina nio aŋso Anutu ikamke zin wal tio Israel to ndabok. Tanata gorgori aŋzunzun pizin.✧ ² Nio ti aŋute kat zin, tana aŋrao aŋso kan sua. Ŋonoono, zin tikamam kaisiigi be tim-beeze pa Anutu. Tamen tikam kat ŋgar som, mi tikamam sorok.✧ ³ Pa zaala tau Anutu ikam ti ma tewe ndeenenanda pa i, ina ŋgar kizin ipet pa zen. Tanata tizorzooro pa, mi tiso tipase pa zitun mbulu kizin mi uraata kizin be ikam zin ma tiwe ndeenen.✧ ⁴ Tamen zaala ki tutu na, imar imiili su ta Kisi i. Pa wal boozomen ta sombe tiurla kini, na ni itunu ko ikam zin ma tiwe ndeenen pa Anutu mataana.✧

✧ 9:32: Lu 2:34; 1Kor 1:23 ✧ 9:33: Mbo 118:22; Yesa 8:14, 28:16; Mt 21:42; 1Pe 2:6+ ✧ 10:1: Ro 9:3 ✧ 10:2: Ngo 22:3; Ga 1:14 ✧ 10:3: Ro 9:31+; Pil 3:9 ✧ 10:4: Mt 5:17; Ro 7:4+; 2Kor 3:6; Ga 3:24+; Ibr 8:13

Zaala ki tutu mi zaala ki urlaṇana

⁵ Zaala ki tutu na, munḡu Mose ibeede ka sua ta kembei. Iso: “Tomtom ta sombe ito kat tutu, inako imbot ambai.” Ina zaala tabe tewe ndeenḡanda pa tutu.✠

⁶ Mi zaala tabe tewe ndeenḡanda pa urlaṇana na, imarra. Pa zaala tana iso piti ta kembei: “Kokena kakam ṅgar boozo ma kosombe: ‘Aiss, asiṅ ko irao be isala pa saamba?’ ” Som. Pa Kisi isu toono kek. ⁷ “Mi kokena koso: ‘Asiṅ irao be isula ta meetenḡan murin a, mi ipei Kisi?’ ” Som. Pa Anutu ipei Kisi ma imanga mini pa naala kek.

⁸ Sua ti ka ṅgar ta kembei:

Anutu sua kini imbotmbot molo piti be turu na som. Pa imbotmbot la kwondo mi lelende kek.✠

Lak, so sua i? Ina sua ta amzzoyaryaara pa urlaṇana na. ⁹ Mi sua tana iso ta kembei: Nu sombe swe urlaṇana ku ila iwal biibi matan ma so: “Yesu, ni Biibi tio,” mi sombe lelem iurla kembei Anutu ipei i ma imanga mini pa naala kek, inako Anutu ikamke u ma mbot ambai.✠

¹⁰ Pa sombe lelende iurla, inako Anutu ikam ti ma tewe ndeenḡanda. Mi sombe teswe urlaṇana kiti ila iwal biibi matan, inako Anutu ikamke iti ma tombot ambai. ¹¹ Pa sua ki Merere isombe:

Zin tomtom ta so tipase pini mi tiurla kini, na tasa ko ka mianḡ som. Zin ta boozomen ko nin se.

Pa zin kola tire urlaṇana kizin ka ṅonoono.✠

¹² Sua tana ikam iti ta boozomen. Zin Yuda, mi zin wal ta Yuda somḡan i tomini. Pa Anutu, ni Biibi

✠ **10:5:** Wkp 18:5; Lu 10:27+; Ga 3:12 ✠ **10:8:** Lo 30:11-14

✠ **10:9:** Mt 10:32; Yo 3:15; ṅgo 16:31 ✠ **10:11:** Mbo 25:3; Yesa 28:16; Ro 9:33

kizin tomtom ta boozomen. Mi ni ikampewe kat wal boozomen ta titaŋroro i be iuulu zin na. ☆ ¹³ Pa Wal boozomen ta so titaŋroro Merere be iuulu zin, na ni ko ikamke zin ma timbot ambai. ☆

Zooroŋana kizin Israel na, ka uunu somŋana. Pa tilen uruunu ambaiŋana kek

¹⁴ Tamen sombe tomtom tiurla kini som, inako titaŋroro i be iuulu zin be parei? Mi sombe tilen sua som, inako tiurla kini be parei? Mi sombe tomtom tisoyaara sua pizin som, inako tilen be parei? ☆ ¹⁵ Mi sombe wal pakan tingo zin tomtom ma tila be tisoyaara sua som, inako tisoyaara be parei? Mi zin Israel na, tomtom tila ma tisoyaara uruunu ambaiŋana pizin kek. Pa sua ki Merere isombe:

Tomtom lelen ambai kat pizin wal ta tikam uruunu ambaiŋana ma timar. ☆

¹⁶ Tamen zin Israel booze tikan la uruunu ambaiŋana som. Kan sua ta Yesaya iso pataaŋa kek. Sua ta kembei:

Merere, asiŋ iurla sua tiam? Som. ☆

¹⁷ Tana sua ta telenlen, ta ipei urlaŋana. Mi sua tana, telenlen la kizin wal ta tizzoyaryaara Krisi uruunu na.

¹⁸ Kenako toso parei pizin Israel? Zin tilen uruunu ambaiŋana zen? Soom. Zin tilen kek. Pa sua ki Merere isombe:

Kalŋan ila ma irao lele ta boozomen ma karkari tilen lup.

☆ **10:12:** Ngo 10:34+; Ro 3:22,29; Ga 3:28 ☆ **10:13:** Yoel 2:32;

Ngo 2:21 ☆ **10:14:** Ngo 8:30+ ☆ **10:15:** Yesa 52:7; Ep 6:15

☆ **10:16:** Yesa 53:1; Yo 12:38; Ibr 4:2

Pa sua kizin ila ma irao toono kek.☆ 19 Mi parei? Kenako zin Israel tirao be tikam kat ngar pa Anutu zaala kini som ma ingi? Soom. Zin tirao. Pa zin matan munjan ta tikamam ngar pa. Mose iso kan sua ta munju kek ta kembei:

Zin wal ta zan somjan, mi len ngar somjan i na, nio ko ankam zin ma tiwe len.

Mi mbulu ambainana tabe ankam pizin i, ko ikam yom ma keteyom malmal mi motoyom berber.☆ 20 Mi kere. Yesaya iso kat ta kembei:

Zin wal ta tikamam kinkiini be tiute yo som na, zin tana ta tindeenje yo.

Mi zin wal ta tirru yo som, ta answa itun pizin.☆

21 Tamen zin Israel na, ni iso kan sua ta kembei: Niom wal ta kelenjil sua mi kozorzooro na, gorgori ta nio anjarra nomon piom mi anzza yom be kamar. Mi som.☆

11

Anutu, ni ipizil kat ndemeene pizin Yuda som

1 Kenako toso parei? Anutu, ni ipizil kat ndemeene pizin Israel kek? Som kat! Kere. Nio ti, tomtom ki Israel tomini. Nio poponjana ki Abaraam, mi un ipet la ki Benyamen. Mi nio anjurla ki Krisi.☆ 2 Tana Anutu, ni ipizil kat ndemeene

☆ 10:18: Mbo 19:4; Mt 24:14, 28:19; Kol 1:6,23 ☆ 10:19: Lo 32:21; Ro 11:11,14 ☆ 10:20: Yesa 65:1; Ro 9:30 ☆ 10:21: Yesa 65:2 ☆ 11:1: Mbo 94:14; 2Kor 11:22; Pil 3:5

pizin Israel som. Pa ni leleene iur pizin pataaŋa kek. Motoyom ila pa mbol ki Ilia ta imbot la Merere sua kini na. Ilia iswe sanaana kizin Israel ila ki Anutu, mi itaŋroro i ma iso:

³ O Merere, zin tikas kwom bizin ta boozomen ma timetmeete lup.

Mi patoronŋana murin ku ta kembena. Tirekreege zin ma tisu len lup.

Tana iŋgi nio itun tamen kat ta aŋbotmbot i. Mi tikamam be tipun yo tomini.☆

⁴ Mi Anutu ipekel sua kini be parei? Iso: Soom. Zin tomtom tio 7,000 tomen ta aŋkiskis zin ma timbotmbot na. Mi zin tina tilek kumbun pa merere pakaamŋana Baal pasa zen.☆

⁵ Koozi na, ka ŋgar raraate men tau. Zin Israel pakan ta Anutu ikampe zin mi ipeikat zin ma tiwe lene, ta timbotmbot i.☆ ⁶ Zin na, Anutu ire la pa mbulu mi uraata kizin, mi ipeikat zin na som. Ina ni itunu leleene mi imuŋai zin. Mi be ire la pa mbulu mi uraata kizin mi ipeikat zin, so muŋaiŋana kini tana, muŋaiŋana ŋonoono som.☆

⁷ Tana ko toso parei? Zin iwal biibi ki Israel timbelmbel uraata be tiwe ndeenŋan pa Anutu mataana ma som. Mi zin wal rimen ŋonoono ta Anutu ipeikat zin la zin Israel mazwan, ta tiwe ndeenŋan. Mi zin pakan na, Anutu izem zin ma tila tito zitun lenen sananŋana.☆ ⁸ Kembei ta sua lwoono ta iso:

☆ **11:3:** 1Kin 19:10+ ☆ **11:4:** 1Kin 19:18 ☆ **11:5:** Ro 9:27

☆ **11:6:** Ro 4:4+, 9:15+; Ep 2:8; Ga 3:18 ☆ **11:7:** Ro 9:31; 2Kor 3:14

Anutu ikam zin ma matan mbelelele zitun kembei
zin wal ta tikeenemete i. Tanata matan
imun, mi talɲan pampam.

Mi mbulu tina, ta iseenge iseenge ma imarmar
men i. ☆

⁹ Mi Dabit iso kan sua tomini ta kembei:
Mbalia ta kini kizin imbot se na, ko iwe kembei ta
kilis pizin, mi ikam zin ma titop ma tisaana
kat. Naso tikam kadoono pa sanaana kizin.
* ☆

¹⁰ Mi matan ko imun ma sik ma tire mini som.
Mi pataɲana tabe ise kizin i, ko ikam zin ma
tikunkun mi timbombooren ta kembena.

*Zooroɲana kizin Yuda iwe zaala pizin wal ta
Yuda somɲan i*

¹¹ Ingi aɲso aɲwi mini pa zin Yuda ta titutkat zin
la Kisi ma timelmel na. Ko tisu ma timboreen ta
kembei, mi zan imap kat? Soom. Kola timaɲga
mini. Mi kere. Zooroɲana kizin, ta iwe zaala
pizin wal ta Yuda somɲan i be Anutu ikamke zin.
Pa Anutu isombe zin Yuda tire la pa mbulu am-
bainana ta ni ikamam pizin wal pakan i, mi matan
berber pa. ☆ ¹² Kakam ɲgar. Indeenje ta zin Yuda
tipizil ndemen pa Anutu mi titop pa zaala kini, ina
iwe zaala pizin tomtom boozomen ta timbot toono

☆ **11:8:** Lo 29:3+; Yesa 29:10; Yo 12:40; Ngo 28:26+ * **11:9:** Wal
ɲgarɲan pakan tiso sua ti na, ka uunu ta kembei: Tutu ta Anutu
ikam pizin Israel, ina koron ambainana. Tamen zin tikam ɲgar biibi
mete pa tutu tana mi tipase pa, tabe ipakaala ɲgar kizin ma lenen
pa Kisi som. Tana tutu, ta koron ambainana na, iwe kembei koron
sanannana pizin. ☆ **11:9:** Mbo 69:22+ ☆ **11:11:** Ngo 13:46; Ro
10:19

na, be tikam kampejana biibi. † Pa indeenje tana, kampejana biibi ila pizin wal ta Yuda somjan i. Mi so kembena, na iti tuute: Sombe zin Yuda timap ma titooro zin, inako ipiyooto kampejana ta sorok som kat.☆

¹³ Ayo, ingi be anso sua piom wal ta Yuda somjan i. Pa nio, Anutu ingo yo be ankam uraata piom. Mi uraata tio ti, nio anre kembei uraata biibi mi uraata nonono. Tana anso ankam ma ankam kat.☆

¹⁴ Naso zin wal tio Israel tire mar pa koron ambaimbainan ta Anutu ikamam piom i, mi matan berber pa. To ko iwe zaala pizin pakan be Anutu ikamke zin tomini ma timbot ambai.☆ ¹⁵ Pa kere. Indeenje ta zin Yuda tizooro ma Anutu ipizil nde-meene pizin, ina iwe zaala pizin wal boozomen ta timbot toono na, be zinan Anutu tiparlup zin ma tiwe tamen. Tana talala ma sombe Anutu ikam zin Yuda tomini ma timiili mini, na tuute: Ingi be zin meetenjan timanga. ¹⁶ Iti tuute: Zin Yuda, sombe tiurpe narabu, na mataana mi tikam pakaana ta ma ila be iwe Anutu lene. Mi ina iwe kilalan kembei narabu ta boozomen tana, koron ki Anutu. Mi ke olib ta kembena. Sombe uunu iwe Anutu lene, inako namannaman tomini tiwe

† **11:12:** Zooronana kizin Yuda ta ikam ma tipun Yesu sala ke pambaaranana. Mi meetenjana kini tana, ta iwe zaala piti be Anutu ikamke iti. To indeenje zin Yuda tiseeze zin ngonana matan na, tikam ma zin ngonana tiko pa Yerusalem. Mi ina iwe zaala pizin wal ta Yuda somjan i be tilej uruunu ambainana. ☆ **11:12:** Ro 11:25 ☆ **11:13:** Ngo 9:15 ☆ **11:14:** Ro 10:19

Anutu lene. †☆

Terepiili zin Yuda pepe. Tomoto kanda. Pa Anutu ko ileele iti som

¹⁷ Zin Israel na, zin kembei ke olib nōnoo ta tapaaza i. Mi niom wal ta Yuda somnōyom i na, niom kembei olib sorok ta su leleene kana i namannaman. Koozi, ingi kembei Anutu isebogboogo olib nōnoo tana namannaman pakan ma tisu len, mi ikam yom ma ila ingalsenŋeenge yom la, bekena kakam murin. Tana niomŋan namanaman pakan ta timbotmbot na, kakamam toono mbuyeene lala ki olib tana uranuran. ☆ ¹⁸ Tamen kokena niyom ise sorok, mi kapakur ituyom ma koso: “Niam tingi amlip pa olib namannaman ta Anutu isebogboogo zin ma tisu len kek na.” Kakam kembena pepe. Pa niom na, ke namannaman men. Niom kopombol ke uranuran som. Ke uranuran ta ipombolmbol yom na. ☆

¹⁹ Mi niom pakan ko kamaŋga ma koso: “Mi olib namannaman tana, Anutu isebogboogo zin bekena niam amkam murin tau.” ²⁰ Ina ambai. Mi Anutu, ni isebogboogo zin ma tisu len paso, tiurla som tau. Mi niom ta kakam murin na tomini. Bela kikiskis urlaŋana tiom, to kombotmbot la muriyom. Tana kapakur yom pepe. Komoto koyom. ☆ ²¹ Pa kere. Olib nōnoo namannaman

† **11:16:** Narabu pakaana ta imuungu ma ila, ina imender pa wal rimen kizin Israel ta koozi timuungu mi tiurla ki Kisi i. Mi ke olib uunu, ina imender pa Israel un bizin kembei ta Abaram, Isak, ma Yakop ta Anutu imbuk sua pizin na. Koron ru tana, ta ikam ma Anutu irao ipizil kat ndemeene pizin Israel na som. ☆ **11:16:** Nam 15:17+ ☆ **11:17:** Yer 11:16; Yo 15:2+; Ep 2:11+ ☆ **11:18:** Yo 4:22 ☆ **11:20:** Yesa 66:2; 1Kor 10:12; Pil 2:12; 1Pe 1:17

na, Anutu ileele zin? Som. Mi niom ta kembena. Ni ko irao ileele yom na som.

²² Tana motoyom ingal ituyom. Nonoono, Anutu, ni muṇaiṇana katuunu. Tamen ni ileelele iti som. Kere. Zin Yuda ta tipizil ndemen pini ma titop na, ni ileele zin som. Mi niom na, ni imuṇai yom. Tamen bela kikiskis mbulu kini, to kombotmbot men la muṇaiṇana kini leleene. Mi kere beso som, na niom tomini, ni ko isebogboogo yom ma kusu leyom.✧ ²³ Mi zin Yuda, sombe titooro zin mi tiurla, inako Anutu ingalseṇseenge zin la murin mini. Ni irao ikam ta kembei. ²⁴ Pa niom wal ta Yuda somṇoyom i, niom kembei ke olib sorok ta su leleene kana i. Niom koyooto pa olib ṇonoono som. Tamen Anutu ikam yom, mi ingalseṇseenge yom la olib ṇonoono ma kewe ke tana namannaman kek. Mi sombe ni ikam piom ta kembena, na ni irao ikam olib itunu namannaman ta tisu len na, mi timiili ma tila murin mini.

Kaimer zin Yuda ko titooro zin

²⁵ Niom toṇmatizinṇ tío, sua tío taiṇgi na, ka uunu biibi mi turkeṇana. Kokena kakankaana pa, to kapakur yom sorok. Ka uunu ta kembei: Zin Israel pakan ta Anutu izem zin ma tila tito zitun lelen sananṇana na, ni ko izem zin ma timboren ta kembei ma alok na som. Ko timbotmbot ta kembei ma Anutu iyo zin wal pakan ma irao pa ka kin muṇgu,✧ ²⁶ to ikamke zin Israel ma timap. Pa ka sua imbot pataṇa kek. Ulaṇa ko imbot abal Sion mi imar.

✧ **11:22:** Yo 15:2+; 1Kor 15:2; 1Br 3:14 ✧ **11:25:** Lu 21:24; Yo 10:16; Tur 7:9

Mi ni ko ikam ma Yakop poponjana kini tizem kat mbulu kizin sananjana.✧

²⁷ Mi nio ko anjur zaala poponjana pizin be niamjan amparlup yam ma amwe tamen, mi anjeege sanaana kizin.✧

²⁸ Tana koozi, zin Israel ta tizorzooro uruunu ambainana na, tiwe kembei Anutu ka koi bizin. Mi ina iwe zaala pizin wal ta Yuda somjan i be kampenana ise kizin. Tamen Anutu, ni ipeikat zin Israel mi leleene pizin men. Paso, ni mataana ise ki tumbun bizin.✧ ²⁹ Mi sombe Anutu iboobo tomtom sa ma iwe lene, na ni irao itooro ngar kini mini na som. Mi sombe ipomoozo tomtom pa koron sa, na ni irao itatke koron tana pini mini na som.✧

³⁰ Mungu, niom wal ta Yuda somjoyom i kozorzooro Anutu. Tamen zooronana kizin Yuda iwe zaala piom, tanata koozi kakam munainana ki Anutu kek.✧ ³¹ Mi ina raraate men pizin Yuda tau. Koozi tizorzooro. Tamen kaimer, munainana tau Anutu izzwe piom wal ta Yuda somjoyom i, ko iwe zaala pizin be zin tomini tikam munainana kini. ³² Pa Anutu izem tomtom ta boozomen ma zooronana kizin ikaukau zin. Naso tomtom ta munjaana men tipase pa munainana kini men.✧

Tapakur Anutu. Pa ni ngar kini biibi

³³ Wai! Anutu ni koron imap katuunu. Mi ngar kini ta kembena. Biibi ma ilip kat. Ni iute koron

✧ **11:26:** Mbo 14:7; Yesa 59:20 ✧ **11:27:** Yesa 27:9; Yer 31:33+; Ibr 8:8, 10:16 ✧ **11:28:** Lo 10:15; Ro 9:5 ✧ **11:29:** Nam 23:19; Ro 8:28+; 2Tim 2:13 ✧ **11:30:** Ep 2:2; Kol 3:7 ✧ **11:32:** Ro 3:9; Ga 3:22

ta boozomen. Asinj irao be iute zaala kini, mi ikam ngar pa mbulu ta ni ikamam piti tomtom? Som.☆

³⁴ Pa asinj iute Merere ngar kini?

Mi asinj irao be ipazali?☆

³⁵ Mi asinj ikam koron sa pini be ikot? Som.☆

³⁶ Pa ni ta iur koron ta boozomen, mi iwe koron ta boozomen un. Mi ni iwe zaala pa koron ta boozomen, mi koron ta boozomen na, ni kini men. Tana iti tapakurkuri totomen. Nonoono.☆

12

Anutu imunai iti biibi, tana tezem itundu ma tewe ni lene kat

¹ Tana niom tonmatizin tio, kere. Anutu leleene isaana piti mi imunai iti biibi. Uunu tina ta anso anpombol yom be kezem ituyom ma kewe ni lene kat. Naso kewe kembei patoronjana mata yaryaaranjana ta potomjana, mi Anutu leleene pa ilip. Pa niom sombe kakam kat ngar pa munainjana ki Anutu, inako kembeeze pini ta kembei. Mi mbulu ta kembei, ina sunjana nonono.☆ ² Mi kere yom. Kokena kapa pai tiom ma kembei zin wal tau titoto ngar mi mbulu ki toono na. Bela Anutu itooro ngar tiom ma iwe poponjana kat. Naso mbulu tiom itooro, mi karao be kuute mbulu ambainjana mi ndabokjana ta Anutu leleene pa i, mi leleyom be kakam mbulu tana tomini.☆

☆ **11:33:** Yop 11:7+; Mbo 92:5 ☆ **11:34:** Yesa 40:13; 1Kor 2:16

☆ **11:35:** Yop 35:7, 41:11 ☆ **11:36:** 1Kor 8:6; Kol 1:16; Ibr 2:10; Tur 4:11 ☆ **12:1:** Yo 4:24; Ro 6:13; 1Kor 6:20; 1Pe 2:5 ☆ **12:2:** Ep 4:23, 5:17; Pil 1:10; 1Yo 2:15+

Iti lende uraata matakiŋa ma ikot ti

³Anutu, ni ikampe yo mi iur yo ma aŋwe ŋgoŋana kini, tana aŋso aŋpombol yom ta boozomen ta kembei: Kapakur ituyom sorok pepe. Kakam kat ŋgar pa ituyom. Uraŋana ta Anutu ikam piom, ina ko iwe kin piom, mi ipaute yom kembei niom tomtom pareiŋoyom.✧

⁴Iti tomtom na, koronŋanda boozo. Kumbundu, namanda, kwondo, ma koronŋanda pakan. Mi koronŋanda ta boozomen na, len uraata ndel-ndelŋa ma ikot zin.✧ ⁵Ina raraate men piti tomtom ta tesekap la ki Kisi i. Iti kembei tomtom tamen namaana ma kumbuunu mi koronŋanŋan ta boozomen ta tilup ma tiwe tomtom tana.✧ ⁶Pa Bubunana ikampewe iti, mi ipombolmbol ti be takam uraata matakiŋa. Tana matanda siŋsiŋ pa uraata kiti kiti mi takam kat. Sombe ni iur ti ma tewe Anutu kwoono be toso kaŋaana pizin tomtom, na matanda iŋgal be toso sua ta indeeŋe men pa uraŋana kiti.✧ ⁷Mi sombe ikam lende uraata be tembeeze pizin tomtom, na tembeeze kat. Sombe iur ti be tapaute zin tomtom, na tapaute kat zin. ⁸Mi sombe ikam lende uraata be topombol zin tomtom, na matanda iŋgal be topombol zin. Sombe iti lende uraata be tarai koron pizin tomtom, na matanda iŋgal be tarai raama ŋgar ambaiŋana. Mi sombe ni iur ti be takam peeze pizin tomtom, na matanda se pa uraata tana. Mi sombe iti lende uraata be tu'uulu zin

✧ **12:3:** Ep 4:7; 1Pe 4:10+ ✧ **12:4:** 1Kor 12:12+; Ep 4:16 ✧ **12:5:** 1Kor 12:12-27; Ep 4:4,25 ✧ **12:6:** 1Kor 12:4-11; Ep 4:11+; 1Pe 4:10+

tomtom pa patan̄ana kizin, na tu'uulu zin raama lelende ambai.☆

Mbulu kizin wal tau tikilaala kat muṇaiṇana ki Anutu

⁹ Sombe kuur leleyom pizin tomtom, na kapakaam pa pepe. Kuur kat leleyom pizin. Mbulu sanan̄an na, kombot molo pa. Mi mbulu ambaimbaiṇan, tona kikiskis.☆ ¹⁰ Niom kaparwe tonmatiziṇ ki Krisi kek, tana ku'urur kat leleyom par piom. Mi kokototo ituyom, mi kiwidiit waeyom bizin.☆ ¹¹ Sombe kembeeze pa Merere, na motoyom pot pa pepe. Motoyom zze pa. You ki Bubun̄ana ta imbot la leleyom na, ko ipayaryaara yom be kakamam ta kembei.☆ ¹² Koron̄ ambaiṇana ta tu'urur matanda pa mi tazza i, ko ipombol yom ma leleyom ndabok kat ma kombotmbot. Mi sombe patan̄ana sa ikam yom, na kemender mbolṇana. Mi motoyom ingal be kuzun̄zun̄ to-tomen.☆ ¹³ Sombe Anutu wal kini potom̄an pakan timbot ṇoobo, na ku'uulu zin. Mi sombe leembe tima, na kakam zin ma kala pa ruumu tiom.☆

¹⁴ Sombe wal pakan tiseeze motoyom, na kusun̄ sosor pizin pepe. Kusun̄ Merere be ikampe zin.☆ ¹⁵ Zin wal ta so menmeen zin, na kagaaba zin ma niom̄an menmeen yom. Mi zin ta so titan̄, na kagaaba zin ma niom̄an katan̄. ¹⁶ Kaparlup leleyom

☆ **12:8:** Ngo 20:28; 2Kor 9:6-13; 1Pe 5:2 ☆ **12:9:** Mbo 34:14; 2Kor 6:6; 1Tim 1:5; 1Pe 1:22 ☆ **12:10:** Ga 5:26; Pil 2:3; 1Tes 4:9; Ibr 13:1; 1Pe 1:22 ☆ **12:11:** Ngo 18:25; 1Tes 5:19; Tur 3:15 ☆ **12:12:** Ro 5:2, 15:13; Kol 4:2; 1Tes 5:16+; Yems 1:4 ☆ **12:13:** 1Kor 16:1+; 2Kor 8:7; Ibr 13:2; 1Pe 4:9 ☆ **12:14:** Mt 5:44+; 1Kor 4:12; 1Pe 3:9

mi ngar tiom ma iwe tamen. Mi kapakur ituyom pepe. Kokena kagabgaaba zin wal ta zanɲan men na, mi kombotmbot molo pizin wal sorrokɲan. Mi kapase pa ituyom ngar tiom pepe.✧

¹⁷ Sombe tomtom sa ikam mbulu sananɲana piom, na kopokot pa mbulu sananɲana pepe. Kakamam kinkiini pa mbulu ta ingeeze pizin wal ta boozomen matan.✧ ¹⁸ Mi kotoombo be niomɲan wal ta boozomen kaparlup leleyom ma kombot ambai. Tana mbulu boozomen tabe ilup yom, mi karao be kakam, na kakam.✧ ¹⁹ O niom toɲmatizin tio, mbulu sananɲana ta so tikam piom, na kepekel pepe. Kezem la Anutu namaana. Mi ni itunu ko iur len zaala sa. Pa sua ki Merere iso ta kembei: Mbulu sananɲana na, nio ko aɲur kadoono pa. Tana kuur la nomoɲ. Pa nio ituɲ ko aɲpokot.✧

²⁰ Tana kepekel mbulu sananɲana pepe. Pa sua lwoono toro iso ta kembei: Sombe kom koi sa peteli, na kam ka kini. Mi so miri i, na kam ka yok. Naso kami ma ka mian pa mbulu kini.✧

²¹ Tana kezem mbulu sananɲana ma ikoto yom pepe. Bela kokoto mbulu sananɲana pa mbulu ambainana.

13

Tombot la zin bibip kopon mbarman

✧ **12:16:** Mbo 131:1+; Ro 15:5+ ✧ **12:17:** Mt 5:39; Ro 14:16; 2Kor 8:21; Pil 4:8; 1Tes 5:15 ✧ **12:18:** Mt 5:9,39; Ro 14:19; 2Tim 2:24; Ibr 12:14 ✧ **12:19:** Lo 32:35; Mbo 94:1; Ibr 10:30 ✧ **12:20:** Kam 23:4+; Tut 25:21+; Mt 5:44

¹ Wal ta boozomen bela timbot la zin bibip tau tikamam peeze piti isu toono i kopon mbarman. Pa zin peeze kan ta timborro iti i, na tikamam sorok som. Ina Anutu itunu ta iur uraata tana ila naman be tikam. ☆ ² Tana sombe tomtom sa izooro la zin peeze kan kaljan, na ni izooro Anutu. Pa Anutu ta iur wal ta kembei be tikam peeze piti. Tana tomtom ta so izooro zin, nako ire kadoono pa mbulu kini tana. ³ Lak, wal pareijan ta timototo zin peeze kan? Zin ta tikamam mbulu ambaijana? Som. Ina zin ta tinoknok mbulu sananjana na. Tana nu sombe lelem be zin peeze kan tikam kosa sa pu som, na kam mbulu ambaijana men. Naso lelen ambai pu mi tiwit urum, mi moto som. ⁴ Pa zin peeze kan, ina zin tomini mbesoonjo ki Anutu. Ni iur zin be tiuulu u ma mbot ambai. Tamen nu sombe noknok mbulu sananjana ta Anutu keteene malmal pa i, na kozo re u. Pa Anutu ikam zin peeze kan len mburan mi zan be tiur kadoono pizin wal tau tikamam mbulu sananjana na. Mi ko irao tileelu na som. ⁵ Tana iti ta boozomen bela tombot la zin peeze kan kopon mbarman mi telenj la kaljan. Kokena takam mbulu sananjana ta Anutu keteene malmal pa i, to tikam ni runguunu mi tiur kadoono piti. Mi tomini itundu ko tayamaana la lelende kembei takam njoobo mbulu pa Anutu mataana. ☆

⁶ Uunu tina ta kiwirri takes tomini. Pa zin peeze kan na, zin mbesoonjo ki Anutu. Uraata ta gorgori tikamam na, tikamam pini tau. ⁷ Tana motoyom ingal be kakam kat mbulu pizin bibip ta boozomen. Sombe tiboobo yom pa takes, na

☆ **13:1:** Yo 19:11; Tit 3:1; 1Pe 2:13+ ☆ **13:5:** 1Pe 2:19

kipiri. Mi zin tabe komoto zin i, na komoto zin. Mi zin tabe kopou zin mi kapakur zin na, kakam pizin ta kembei. ☆

Tuur lelende pizin tomtom. Naso tipiyooto tutu ka mbulu ŋonoono

⁸ Niom koso kakam mbun, na ikeene ma molo pepe. Loŋa mi kokot. Mi iti ta boozomen na, lende mbun biibi ta imbotmbot. Tokot na tarao som. Mbun tina ta kembei: Iti bela tuur lelende pa tomtom ta boozomen. Pa tomtom ta sombe iur leleene pizin tomtom, na ni ipiyooto tutu ka mbulu ŋonoono. ☆ ⁹ Pa tutu ta munjaana men kembei “Pasaana ula pepe,” “Pun tomtom ma imeete pepe,” “Kem pepe,” “Motom berber pepe,” mi tutu pakan, ina ta timap timbot la tutu ti leleene: “Ur lelem pizin tomtom, kembei ta lelem pa itum.” ☆ ¹⁰ Pa sombe tuur lelende pizin tomtom, inako takam mbulu sananŋana sa pizin som. Tana takamam ta kembei. Naso tipiyooto tutu ka mbulu ŋonoono. ☆

Mat ta iŋgi be ipet i

¹¹ Tana niom bela kakamam ta kembena. Paso niom kikilaala mazwaana tiŋgi kek. Kekeene ndabok. Kamaŋga! Pa mazwaana tabe Anutu ikamke iti i, ka nol ta igarau kek. Indeeŋe ta tuurla mata popoten na, nol tana kembei imbot molo ri. Mi iŋgi imar igarau kek. ☆ ¹² Zugut ta iŋgi be imap i, mi lele imarmar kek. Tana tezem kat zugut ka mbulu ma imborene lup, mi takam

☆ **13:7:** Mt 22:21 ☆ **13:8:** Mk 12:31; Ro 3:31; Ga 5:14; Kol 3:14

☆ **13:9:** Kam 20:13+; Wkp 19:18 ☆ **13:10:** Mt 22:40; Ro 3:31;

1Kor 13:4+; Ga 5:6; Yems 2:8 ☆ **13:11:** 1Kor 7:29+; Ep 5:14; 1Tes

5:5+

mat ka mbulu ma iwe lende, kembei tomtom ta izeebi pa mburu ki malmal na. ☆ ¹³ Kozo takam mat ka mbulu men. Mi mbulu ki tulup ti pa winņana mi takam mbulu bozbooza, mbulu ki urnanol, mbulu ta kanda mianj som mi takam mbulu soroksorok isu mat keteene, mbulu ki taparzorzooro, mi mbulu ki matanda mburmbur na, takam mini pepe. ☆ ¹⁴ Tana kakam mbulu ki Merere Yesu Kisi ma iwe leyom mi kombot lela. Mi mbulu sananņana ta lelende munņana imanņana pa i, na kuru zaala pa pepe. ☆

14

Sombe wal pakan tito zaala toro be timbeze pa Kisi, na toyo kwondo pizin pepe, mi itinjan taparzooro pa pepe

¹ Tomtom ta sombe urlanana kini imbol som, mi leleene be igaaba yom pa sunņana, na koyok pini mi kakami men tau. Kokena koyo kwoyom pini pa mbulu mi ngar kini pakan ta ipa ndel pa niom tiom na. ☆ ² Kembei ta tomtom pakan, zin tiurla kembei koronj ta boozomen ki kanņana makinj. Mi tomtom pakan na, urlanana kizin imbol som, tana tiur ngalseki pa buzur ta boozomen be tikan pepe, mi tikanan kini mi zeere men. Pa timoto. Kokena tikan, to tinģeeze pa Anutu mataana som. ☆ ³ Tana tomtom ta so ikanan koronj ta boozomen, na mataana repiili waene toro ta iurur ngalseki pa koronj pakan na pepe. Mi tomtom ta so iurur

☆ **13:12:** Ep 5:11, 6:11+; Kol 3:8; 1Yo 2:8 ☆ **13:13:** Lu 21:34; Ga 5:19+; Ep 5:18; 1Pe 4:3; 1Yo 1:8 ☆ **13:14:** Ga 3:27; Kol 3:10; 1Pe 2:11 ☆ **14:1:** Ro 15:1; 1Kor 8:9+, 9:22 ☆ **14:2:** Un 1:29, 9:3

ngalseki pa koronj pakan mi ikanan som, na ni ta kembena. Ire waene toro ta ikanan koronj ta boozomen na kembei tomtom sananꝓana pepe. Pa waene toro tana, ni tomini Anutu ikami ma iwe lene kek.✠ 4 Mi nu asinꝓ ta sombe tiiri Merere mbesoonꝓ kini pa mbulu kini? Sombe Merere leleene ambai pini, som leleene ambai pini som, ina koronj ki Merere. Mi ni ko leleene ambai pini. Pa ni irao be ipomboli ma imender mbolꝓana.✠

5 Tomtom pakan tire kembei aigule pakan na potomꝓan. Tipa ndel pa aigule pakan. Mi tomtom pakan na, tire kembei aigule ta boozomen, ina raraate men pa Anutu mataana. Ina ambai. Tamen tomtom ta boozomen bela tiurla kat kembei mbulu ta titoto i, ina indeenꝓ pa Anutu ngar kini, to ambai.✠ 6 Zin tomtom ta tipotom pa aigule pakan na, tikamam pa Merere. Mi zin ta tikanan buzur na, tikamam pa Merere, mi lelen ambai pini mi tipakurkuri pa. Mi zin tau tiurur ngalseki pa koronj pakan mi tikanan som na, zin tomini tikamam mbulu tana pa Merere, mi lelen ambai pini, mi tipakurkuri.✠ 7 Pa iti tombot su toono ti be tembeeze pa itundu men som. Mi kanda mete ta kembena. Itundu tomborro som.✠ 8 Tana sombe tombot, na tombot be tembeeze pa Merere, mibe tapakur ni zaana. Mi sombe temeete, na tombotmbot men la ni namaana. Tana iti sombe tombot, som temeete, na iti koronj kini men tau.✠ 9 Pa Kriisi, ni imeete mi imanga mataana yaryaara mini beken a iwe biibi pizin wal ta boozomen. Zin

✠ 14:3: Kol 2:16 ✠ 14:4: Mt 7:1; Yems 4:11+ ✠ 14:5: Ga 4:10; Kol 2:16+ ✠ 14:6: 1Kor 10:30+; 1Tim 4:3+ ✠ 14:7: 2Kor 5:15; Ga 2:20; 1Pe 4:2 ✠ 14:8: Lu 20:38; Pil 1:20; 1Tes 5:10

meetenjan, mi zin tau matan iyaryaara na tomini.☆

¹⁰ Mi nu so tomtom i, ta su mi sombe tiiri zin tonmatizin ku ta ki Kisi i pa mbulu kizin? Mi motom repiili zin paso? Pa iti ta boozomen ko tamap ma temender su Anutu kereene uunu be itiiri iti mi iur kadoono piti.☆ ¹¹ Ka sua imbot pataaŋa kek ta kembei:

Nio Merere ta aŋbotmbot ma alok. Mi aŋur sua mbolŋana ta kembei:

Tomtom ta boozomen kola timap ma tilek kumbun pio,

mi tiso: “Ŋonoono kat. Anutu, nu ta biibi.”☆

¹² Tana iti ta boozomen, itundu tataŋa ko temender la Anutu kereene uunu ma toso sua kiti be ni ileŋ mi itiiri.☆

Takam ŋgar pa waende bizin. Kokena takam zin ma titop

¹³ Ingi kembei tabe aŋso piom. Iti tapartiiri iti pa mbulu kiti mi taparrepili iti mini pepe. Mi ŋgar kiti imbol be takam mbulu sa tabe ipasaana Kisi wal kini lelen pepe. Kokena takam zin ma titop pa urlaŋana kizin.☆ ¹⁴ Pa Merere Yesu ikam yo ma aŋute kat ta kembei: Koron boozomen ta takanan na, sa sananŋana pa Anutu mataana som. Tamen sombe tomtom sa ikam ŋgar pa koron sa ma iso koron tana ingeeze pa Anutu mataana som, na ire i. Pa sombe ikan koron tana, na ikam

☆ **14:9:** Ŋgo 10:36; 2Kor 5:15 ☆ **14:10:** Mt 25:31+; Ŋgo 17:31; 2Kor 5:10 ☆ **14:11:** Yesa 45:23; Pil 2:10+ ☆ **14:12:** Mt 12:36; 2Kor 5:10; 1Pe 4:5 ☆ **14:13:** Mt 18:6+; 1Kor 8:9, 10:32; 2Kor 6:3; Pil 1:10

sanaana.☆ 15 Mi nu ta so urlañana ku imbol na tomini. Re u. Kokena kan koron sa ma pasaana tonmatizin ku ta ki Kisi i ngar kini, to nu to mbulu ki lelende par piti mini som. Pa tonmatizin ku tana, ni, Kisi imeete pini. Ko nu su mini mi kan sorok su kereene uunu be pasaana urlañana kini?☆

16 Tana niomombe kiki laala kek kembei koron ta boozomen ambai pa kanjana, ina ambai. Mi kere yom. Kokena ngar tiom tana iwe uunu pizin tomtom be tiyyo kwon piom.☆ 17 Pa sombe tombot la peeze ki Anutu, inako takam ngar biibi pa koron pareinjan tabe takanan mi tiwinin i na som. Ko tombot la peeze ki Bubunana Potomjana, mi takam mam mbulu ndeenjana, mi itinan taparlup ti ma tewe tamen, mi lelende ndabok.☆ 18 Tomtom ta so imbeeze pa Anutu pa zaala ta kembei, nako Anutu lelene ambai pini. Mi mbulu kini ko ambai pa tomtom matan.☆

19 Tana iti bela takam kinkiini pa koron boozomen tabe ilup ti ma tewe tamen, mibe taparpombol ti.☆ 20 Kokena kini iwe uunu piom ma kapasaana Merere uraata kini. Nonono, kini ta boozomen ingeeze pa Anutu mataana. Tamen sombe tomtom sa ikan koron sa, mi ikam ma waene toro itop pa urlañana kini, na ni ikam sanaana.☆ 21 Tana nu sombe kan buzur sa, som win yok baen sa, som kam mbulu toro sa, mi mbulu ku tana ikam tonmatizin ku ta ki Kisi i ma itop, na mbulu ku tana indeenje som. Tana ambai

☆ 14:14: Mk 7:14+; Ngo 10:15; 1Kor 8:7+; 1Tim 4:4+; Tit 1:15

☆ 14:15: 1Kor 8:11+ ☆ 14:16: Tit 2:5 ☆ 14:17: Lu 17:20;

Ro 5:1; Ga 5:22+ ☆ 14:18: 2Kor 8:21 ☆ 14:19: Ro 15:2; 1Kor

14:12; Ibr 12:14 ☆ 14:20: Ro 14:14+; 1Kor 8:9,13; Tit 1:15

be kam pepe.

²² Tana koron boozomen ta kembei, sombe nu urla kembei koron ambainana, som sananana, ina ambai. Mi ngar ku tana, ina koron ki itum mi Anutu. Tomtom ta sombe mbulu kini ambai pa Anutu mataana mi iyamaana kembei ikam njoobo som, nako menmeeni pa kampenana tana.✧

²³ Tamen tomtom ta sombe leleene iwe ru pa koron sa, mi ikan sorok, na ikam njoobo. Paso mbulu ta ni ikam, ina imar pa urlanana kini som. Mi mbulu boozomen ta urlanana ipiyooto som, ina sanaana.

15

Takam ngar pa itundu men pepe. Takam ngar pa waende bizin

¹ Iti ta sombe urlanana kiti imbol na, takam ngar pa itundu men pepe. Takam ngar pizin wal ta urlanana kizin imbol zen na, mi takam mbulu ta irao pa lenen mi ngar kizin.✧ ² Tana itundu tatana irao tu'uulu zin tonmatizin kiti ta ki Kisi i, mi takam mbulu ta irao pa lenen mi ngar kizin. Naso topombol zin pa urlanana kizin.✧ ³ Kakam ngar pa Kisi. Ni ikam ngar pa itunu men som. Pa sua ki Merere iso ta kembei:

O Anutu, sua repilinana ta tipiri pu, ta ise tio tomini.✧

⁴ Sua boozomen ki Merere ta tibeede se ro na, ina imbot be ipaute iti, mi ipotor lelende, mi ipombol ti be temender mbolnana mi tabaada patanana.

✧ **14:22:** 1Yo 3:21 ✧ **15:1:** Ro 14:1; Ga 6:1+; 1Tes 5:14 ✧ **15:2:** 1Kor 10:24; Pil 2:4+ ✧ **15:3:** Mbo 69:9; Yo 6:38

Naso lelende iwe ru som, mi tombotmbot mi tazza koron ambainana tabe ni ikam piti pa kaimer i.☆

⁵ Anutu ta ipombolmbol ti be temender mbolnana mi tabaada patanana na, ni itunu ko ikam yom ma kaparlup leleyom mi ngar tiom ma iwe tamen, mi kototo Yesu Krisi.☆ ⁶ Naso kulup leleyom, kulup kwoyom, mi kapakur Anutu tau Merere kiti Yesu Krisi Tamaana na.☆

Krisi imar pizin Yuda men som. Imar pizin tomtom ta boozomen

⁷ Tana nio anso piom ta kembei: Niom ta boozomen na tonmatizin ki Krisi. Tana leleyom ambai par piom mi kaparkam yom, kembei ta Krisi leleene ambai piom mi ikam yom na. Naso kakam ma Anutu zaana iwe biibi.☆ ⁸ Pa Krisi, ni iwe mbesoonjo pizin Yuda beken a ikam ma sua ta mungu Anutu imbuk pa tumbun bizin na, iur ngonono.☆ ⁹ Naso tomtom tikilaala kembei Anutu itoto sua kini, mi zin wal ta Yuda somnan i tiwit Anutu uruunu pa munainana kini tomini. Mi ina ito sua ta tibeede mungu kek. Sua ta kembei:

Uunu tina ta nio ko anbot la zin wal ta Yuda somnan i mazwan,
mi anjwidit urum mi anjbombo mboe beken a anpakur zom.☆ ¹⁰ Mi sua lwoono toro iso ta kembei:

Niom wal ta Yuda somnoyom na, kagaaba Anutu wal kini, mi niomnan menmeen yom pini.☆

¹¹ Mi sua lwoono toro tomini iso ta kembei:

☆ **15:4:** Ro 4:23+; 1Kor 10:11; 2Tim 3:16+ ☆ **15:5:** Ro 12:16; 1Kor 1:10; Pil 2:2 ☆ **15:6:** Mbo 34:3; Ngo 4:24 ☆ **15:7:** Ro 14:1+ ☆ **15:8:** Mt 15:24+; Ngo 3:25+; 2Kor 1:20 ☆ **15:9:** Mbo 18:49; Yo 10:16; Ro 11:30 ☆ **15:10:** Lo 32:43

Niom wal ta Yuda somɲoyom na, kapakur Merere zaana.
 Niom karkari ta boozomen, kombo mboe mi kiwit uruunu. ☆ 12 Mi Yesaya tomini iso ka sua. Pa iso:

Poponɲana zaanaɲana tasa ki Yesi ko ipet.
 Mi ni tana, ta ko Anutu iuri ma iwe biibi be ikam peeze pizin kar ta boozomen.
 Tana zin wal ta Yuda somɲan i, ko tipase pini mi tiur matan pa koronɲ ambainɲana tabe ni ikam pizin i. ☆

13 Anutu ta tu'urur matanda pini i, ko ikam yom ta kuurla na ma leleyom ambai, mi kombot ambai kat. Mi Bubunɲana Potomɲana mburaana ko ipombol yom be kombot, mi kazza koronɲ ambainɲana kat tabe Anutu ikam piti i. Nonono. ☆

Mbulu ta Paulus ikamam uraata kini

14 O niom tonmatizinɲ tio, nio anute: Niom karao kat pa mbulu ambainɲana, mi ngar matakiɲa ta boozomen. Mi niom ituyom karao be kaparpaute yom pa sua ki Merere. ☆ 15-16 Sua pakan ta anbeede se ro ti, ina mbolɲana. Tamen leleyom isaana pa pepe. Pa ingi anso bekena anpei ngar tiom pa mini. Pa Anutu ikampe yo, mi iur yo ma anwe mbesoono ki Yesu Kisi be ansoyaara uruunu ambainɲana ki Anutu pizin wal ta Yuda somɲan i. Mi lelenɲ be ankam zin ma tiwe Anutu lene, mibe Bubunɲana Potomɲana ikam uraata pizin ma tiwe potomɲan.

☆ 15:11: Mbo 117:1 ☆ 15:12: Yesa 11:1,10; Mt 12:21; Tur 5:5, 22:16 ☆ 15:13: Ro 14:17; 1Kor 4:20 ☆ 15:14: 2Pe 1:12; 1Yo 2:21

Naso tiwe kembei patoronɲana ta Anutu leleene pa ilip.☆

¹⁷ Nio lelenj ambai mi anpakur Yesu Kresi. Pa ni ipombolmbol yo pa uraata ta ankamam pa Anutu na.☆ ¹⁸ Nio lelenj be anso pa wal pakan uraata kizin na som. Lelenj be anso men pa itunj uraata tio ta ankamam bekena anyaaruu zin wal ta Yuda somɲan i ma tila ki Anutu mi tito mbulu kini. Mi itunj tamen na, anrao ankam kosa sa som. Kresi ta ipombolmbol sua tio mi uraata tio.☆ ¹⁹ Mi Bubunana mburaana ta izze tio. Tanata ikam ma antortooro mos ma uraata bibip. Tana indeenje ta kar Yerusalem, mi imar imar ma ipet lele pakaana ki Ilirikum na, anwwa mi anzzo uruunu ambainana ki Kresi pizin ma tilenj lup kek.☆ ²⁰ Pa nio ti, lelenj ilip be ankam uruunu ambainana isu lele pakan tau tiute Kresi zen na. Pa nio zonj pa uraata ta kembei. Naso kembei itunj anpo kat ruumu ma imap. Pa lelenj be anpo ruumu sala kitiimbi ta tomtom toro ipaaza na som.☆ ²¹ Tana inji antoto zaala ta kembei. Mi ka sua imbot se bude pataanja kek:

Zin wal ta tisoyaara uruunu pizin zen, nako tire. Mi zin ta tilenj sua kini zen, nako tiute.☆

Paulus isombe ila mi ire zin Rom kan

²² Nio, gorgori ankamam ngar be anma Rom ma anre yom. Mi tamen som. Pa ankamam ngar biibi pizin wal tau tilenj sua zen na.☆ ²³⁻²⁴ Tamen buri na, anre kembei zin lele boozomen ta munju

☆ **15:15-16:** Ngo 9:15; Ro 11:13; Ga 2:7+ ☆ **15:17:** Kol 1:29

☆ **15:18:** Ngo 15:12; 2Kor 3:5, 10:15; 1Tes 1:5 ☆ **15:19:** Ngo 19:11; 1Kor 2:4; 2Kor 12:12 ☆ **15:20:** 2Kor 10:15+ ☆ **15:21:**

Yesa 52:15 ☆ **15:22:** Ro 1:13

anjkamam uraata pizin na, lenj uraata sa pizin mini som. Mi inji anso anla pa lele pakaana ki Spen. Tana ko anjma ma anre yom, mi itinan tombot risa mi tozzo lende sua mungu, tona ku'uulu yo pa pai tio, mi anmanga mini mi anla pa Spen. Pa ndaama ndaama ta lelenj anso anjma ma anre yom.✧

²⁵ Tamen inji ko anla pa Yerusalem mungu, mi anjuulu Anutu wal kini ta timbot su tana.✧ ²⁶ Pa zin wal ki Masedonia mi Akaia na, zitun lelen mi tilup pat pakan, mi tiur mar nomonj kek, be anjam ma anla, mi anjur la ki Anutu wal kini ta timbot noobo su Yerusalem a.✧ ²⁷ Mbulu kizin tina, zitun lelen mi tikam. Mi ina indeenje men. Paso zin Yuda ta tiwe zaala pizin wal ta Yuda somnan i ma tikam koronj ambaimbaijan ta ki kunundu i. Tana zin wal ta Yuda somnan i, na kembei len mbun biibi imbot kizin Yuda. Mi sombe tipimiili koronj ambaimbaijan ta ki toono i ma ila be iuulu zin, ina ambai.✧ ²⁸ Tana nio anso anjboro kat pat ti ma irao anjur se zin Yerusalem kan naman mungu, tona anjma ma anre yom, mi anla pa Spen.✧ ²⁹ Mi nio anjute: Sombe anjma, nako itinan taparpombol ti, mi kampanana ki Krisi ko ise kiti ma biibi.✧

³⁰⁻³¹ O niom tonmatizinj tio, itinan tuurla ki Merere kiti Yesu Krisi, mi Bubunana ikam ti ma lelende par piti kek. Tana nio antanroro yom pa Merere kiti Yesu Krisi zaana. Kuzunzunj mboljana pa Anutu be iporoukaala yo pizin Yudea kan ta tiurla ki Krisi som na, mibe anjam kat uraata

✧ **15:23-24:** 1Kor 16:6 ✧ **15:25:** Ngo 19:21, 20:22, 24:17

✧ **15:26:** 1Kor 16:1+; 2Kor 8:1, 9:2,12; Ga 2:9 ✧ **15:27:** 1Kor

9:11; Ga 6:6 ✧ **15:28:** 2Kor 8:20+ ✧ **15:29:** Ro 1:11

tio ma ambai men pa Anutu wal kini ta timbot Yerusalem a matan. Naso kagaaba yo ma kembei itinjan toporou pa uraata ki Yesu Krisi.✠ ³² Mi kaimer, sombe Anutu leleene, inako anjma mi anje yom raama lelenj ndabok. Tona keten su, mi itinjan tombotmbot mi taparpombolmbol ti.

³³ Anutu ta ikam ti ma tombot ambai, na ni itunu ko imbot raama yom ta boozomen. Njono.

16

Paulus ikam aigule ambainjana kini pizin Rom kan

¹ Nio lelenj be anjotaara yom pa lunduri ta zaana Pibi. Ni imbesmbeeze pa wal ki Krisi ta tiluplup zin su kar Kenkria na. ² Mi ni moori ki Merere. Pa iuluulu kat wal boozomen, mi iuluulu yo tomini. Tana lelenj be kakami ma niomjan kombot. Pa ina mbulu tabe takam pa Anutu wal kini potomjan. Mi sombe ni le patanana sa, na ku'uuli.

³ Kakam aigule tio ila ki Prisila ziru waene Akwila. Pa ziru tigabgaaba yo pa uraata ki Yesu Krisi.✠ ⁴ Mi tizem kat zitun pio, mi rimen mi timeete. Tana lelenj ambai kat pizin mi anjwidit urun. Mi nio itun tamen som. Lupjana ta boozomen kizin wal ta Yuda somjan i na, tiwidit urun tomini.

⁵ Mi zin wal ki Krisi ta tiluplup zin lela Prisila mi Akwila ruumu kizin na, kakam aigule tio pizin tomini. Kakam aigule tio ila ki Epenetus. Ni tomtom mataana kana ki Asia ta ifoori ma iwe Krisi lene na, mi lelenj pini ilip.✠ ⁶ Mi kakam aigule

✠ **15:30-31:** 2Kor 1:11; Kol 4:3 ✠ **16:3:** Ngo 18:2-26; 2Tim 4:19

✠ **16:5:** 1Kor 16:15

tio ila ki Maria. Pa ni imbelmbel uraata piom. ⁷ Mi kakam aigule tio ila ki Andronikus ziru Yunias. Ziru tonmatizij tio, mi mungu niamjan ambot lela ruumu sanaana. Mi ziru ngonana ki Kisi tomuni. Tana wal boozomen matan ikot se kizin. Mi ziru tiwe Kisi lene mungu, mana nio.

⁸ Kakam aigule tio ila ki Ampliatu tomuni. Pa Merere ikam yo ma lelenj pini ilip. ⁹ Mi kakam aigule tio ila ki waende Urbanu ta igabgaaba iti pa uraata ki Kisi i, mi ila ki waenj toro Staki tomuni. Pa nio lelenj pini ilip. ¹⁰ Mi kakam aigule tio ila ki Apeles. Ni tomtom ambainana ki Kisi. Pa ni ibaada patanana pa Kisi zaana, mi imender mboljana. Tana ni irao pa uraata. Mi kakam aigule tio ila ki Aristobulu bizi. ¹¹ Mi kakam aigule tio ila ki tonmatizij tio Erodian. Mi kakam aigule tio ila kizin wal ki Narsisu ta tiwe Merere lene kek na.

¹² Kakam aigule tio ila ki Tripena ziru Triposa. Pa moori ru tina timbelmbel uraata pa Merere. Mi kakam aigule tio ila ki Pesis. Ni moori toro ta ikamam uraata biibi pa Merere, mi lelenj pini ilip. ¹³ Mi kakam aigule tio ila ki Rupus ziru naana. Rupus, ni ikamam mbesoono ambainana kat pa Merere. Mi naana, ni kembei nio nanjon tomuni.✧
¹⁴ Mi kakam aigule tio ila ki Asinkritu, Pelegon, Emes, Patorobas, Emas, mi zin tonmatizij pakan ki Kisi ta zijan timbotmbot na. ¹⁵ Mi kakam aigule tio ila ki Pilologus, Yulia, mi Nereus ziru lunuri, mi Olimpasi zijan wal boozomen ki Kisi ta zijan timbotmbot na.

✧ **16:13:** Mk 15:21

16 Niom ta boozomen kewe tonmatizin ki Krisi kek. Tana kaparteege nomoyom mi leleyom par piom.✠

Lupnana boozomen ki Krisi ta timbot lele pakaana ti na, tikam aigule kizin piom tomini.

Sua pemetnana

17 O niom tonmatizin tio, zin wal ta tizorzooro pa sua tau tipaute yom pa ma kelen kek, mi tirekreege lupnana tiom, mi tiwadat zin tomtom ma titoptop pa urlanana kizin na, kere yom mi kombot molo pizin.✠ 18 Pa sua kizin mbuy-eenenana iyaryaaru zin wal ta ngar kizin kembei ta zin pikin i ma titoptop. Zin wal ta kembei, zin timbesmbeeze pa Merere kiti Krisi som. Ina zin matan ingalngal zitun men.✠

19 Mi niom tina na, kakam yo ma lelen ndabok kat. Pa tiso uruyom pa mbulu tiom tau kototo Merere na, ma irak ma irao lele ta boozomen kek. Nio lelen be niom kuute kat mbulu ambainana. Mi so mbulu sanannana, na motoyom ingal be kombotmbot molo pa.✠

20 Anutu ta ilup ti ma tewe tamen, mi ikam ti ma tombot ambai na, molo som to ikam yom ma kaparaama Sadan ngureene.✠

Kampenana ki Merere kiti Yesu Krisi ko ise tiom. Nonono.

21 Timoti, ta igabgaaba yo pa uraata i, ni ikam aigule kini piom tomini. Mi tonmatizin tio tel,

✠ **16:16:** 1Kor 16:20; 2Kor 13:12; 1Tes 5:26; 1Pe 5:14 ✠ **16:17:** 1Kor 5:9+; 2Tes 3:6,14; 2Tim 3:5; Tit 3:10; 2Yo 10 ✠ **16:18:** Pil 3:18+; Kol 2:4; 2Pe 2:3 ✠ **16:19:** Mt 10:16; Ro 1:8; 1Kor 14:20 ✠ **16:20:** Un 3:15; 1Kor 16:23; 1Tes 5:28; Tur 22:21

zan Lusius, Yason, mi Sosipater, zin tomini tikam aigule kizin piom.✧

²² Mi ingi nio Tesis. Paulus izzo sua mi anbedbeede se ro ti. Aigule tio ima piom pa Merere zaana.

²³ Gaius tomini ikam aigule kini piom. Ni tomtom ki ikamam zin leembe. Tana nio anbotmbot ti na, anbot se kini. Mi wal ki Krisi ta timbot kar ti mi tiluplup zin lela ruumu kini na, tikam aigule kizin piom tomini. Mi Erastus, tomtom ta imborro pat ki kar ti, ni ziru tonmatizin kiti Kwartus tikam aigule kizin piom tomini.✧

[²⁴ Kampenjana ki Merere kiti Yesu Krisi ko ise tiom. Nonoono.]

Paulus ipakur Anutu

²⁵ Uruunu ambainjana ta anzzoyaryaara pa Yesu Krisi i, ina ko iwe zaala piom be Anutu ipombol yom ma kemender mboljana. Nonoono, ta mungu mungu mi imar na, uruunu ambainjana tana ike.✧

²⁶ Tamen Anutu kwoono bizin tizzo ka sua. Mi ingi Anutu mata yaryaaranjana ta imbotmbot ma aloki, iswe uruunu ambainjana tana ma ipet mat kek. Mi ni iur sua mboljana be sua tana ila pizin karkari ta boozomen. Naso tiurla ki Krisi mi tito i.✧ ²⁷ Anutu tana, ni itutamennjana. Mi ngar kini na, biibi kat. Tana iti ko tapakurkuri pa Yesu Krisi zaana ma alok. Nonoono.✧

✧ **16:21:** Ngo 16:1+, 20:4 ✧ **16:23:** Ngo 19:29; 1Kor 1:14

✧ **16:25:** 1Kor 2:7; Ep 3:9,20; Kol 1:26+; 2Tim 1:9+ ✧ **16:26:** Ro

1:5; Tit 1:2+ ✧ **16:27:** Ro 11:36; 1Tim 1:17, 6:16; Yud 25

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Nov 2022 from source files dated 9 Oct 2020

a815c47a-4c36-5240-a396-70cbd5e9b593